





乾隆丙午

# 逸周書

抱經堂雕

序

周書本以總名一代之書猶之商書夏書也自漢以  
 來以所傳五十八篇目為尚書而於尚書所載周書  
 之外以七十一篇者稱之為周書而別之劉向以為  
 孔子刪削之餘第漢志載周書七十一篇即列於尚  
 書之後而總繫之以辭則究未嘗別之於尚書之外  
 也至隋志始降列雜史之首以為與穆天子傳俱汲  
 冢書然漢志未嘗列穆傳則其非出自汲冢可知不  
 當牽合愚嘗玩其文義與尚書周時諸誓諸篇絕異  
 而其宏深奧衍包孕精微斷非秦漢人所能彷彿不



第克殷度邑爲龍門所引用也明堂見於禮記職方  
載在周官其文雖有小異要不足爲病而箕子月令  
想卽洪範呂覽所傳之文周史所記載者也惟其闕  
佚旣多又頗有爲後人羣入者篇名亦大率俗儒更  
易必有妄爲分合之處其序次亦未確當如大匡爲  
荒政第四卷王在管時不當復以名篇且文內大匡  
中匡小匡意不可解時訓似五行傳謚法與史記正  
義大同殷祝雜出殷事與王會篇未成湯伊尹語皆  
爲不類若太子晉一篇尤爲荒誕體格亦卑弱不振  
不待明眼人始辨之也愚謂是書文義酷似國語無

疑周末人傳述之作其中時涉陰謀如寤傲之歎謀  
泄和寤之記圖商多行兵用武之法豈卽戰國時所  
稱太公陰符之謀與時蓋周道衰微史臣掇拾古訓  
以成此書始於文武而終於穆王厲王也好古之士  
所宜分別觀之立乎千載以下讀千載以上之書而  
猶執篇目之多寡以繩之豈不誤哉乾隆五十有一  
年歲在丙午八月望日嘉善謝墉題於江陰使院  
班志載周書七十一篇僅存四十五篇今其目仍  
有七十篇而存者乃有五十九篇較班志轉多十  
四篇此由後人妄分以符七十之數實祇四十五

篇未嘗亡耳且如大武以下並論攻伐之宜文氣不斷不得分爲三篇卷一之糴匡與卷二之大匡俱屬荒政辭義聯屬自是一篇蓋糴匡之文卽在大匡中間如勤而不賓祈而不賓利民不淫民利不淫文義一律簡冊舛錯遂分而爲二因有卿參告糴之句而妄立糴匡之名也若第四卷大匡爲監殷事篇內雖有大匡中匡小匡之名不應與前篇同其名目二者必有一訛武寤文勢亦似竟接前文非另篇也世俘與克殷事詞相屬文筆亦一類應爲克殷一篇今中隔大匡文政大察三篇蓋

亦妄立世俘之名而分之并亂其篇次也

孔氏旣註周書而尙有不註者十餘篇豈此十餘篇爲孔氏之所未見後乃附入者耶如器服篇多闕文固不可註至若鄴謀度邑武儆嘗麥官人諸篇均多名言法語何以概置不註是可疑也

是書之刻盧抱經同年積數年校勘之功加以博雅之士薈萃所見而成之而埔適以採風蒞止遂以夙昔管見參互考訂課士之餘不辭炳燭之明悉力討論謹以質之同好汲古之士願更有以開我也丙午九月下浣埔又識

逸周書舊序

古書之存者六籍之外蓋亦無幾汲冢周書其一也其書十卷自度訓至於器服凡七十解自敘其後爲一篇若書之有小序同孔晁爲之註晉太康中盜發汲冢魏安釐王家而得之故繫之汲冢所言文王與紂之事故謂之周書劉向謂是周時誓誥號令孔子刪錄之餘班固藝文志亦有其篇目司馬遷記武王伐紂之事正與此合然則兩漢之時已在中祕非始出於汲冢也觀其屬辭成章體製絕不與百篇相似亦不類西京文字是蓋戰國之世逸民處士之所纂

緝以備私藏者性命道德之幾微文武政教之要略  
 與夫諡法職方時訓月令無不切於脩己治人雖其  
 閒駁而不純要不失為古書也郡太守劉公廷鞅好  
 古尤至出先世所藏命刻板學宮俾行於世上不負  
 古人之用心下得以廣諸生之間見其淑惠後人不  
 既多乎至正甲午冬十一月四明後學黃玠謹志

晉太康二年汲郡人不

音彪。文昭案何超晉書  
音義云不甫鳩反姓也

準

私發魏安釐王家得竹書數十車其紀年十三篇易

經二篇易繇陰陽卦二篇卦下易經一篇公孫段二

篇

文昭案晉書段作段說文假字引左氏傳鄭公孫  
假字子石乎加切又九經字樣假音霞云見春秋

然則作段字  
未為非也

公孫段與邵涉論易國語三篇言楚晉

事名三篇似爾雅論語又似禮記師春一篇瑣語十

一篇諸國夢卜妖相書也梁丘藏一篇先敘魏之世

數次言丘藏金玉事繳書二篇論弋射法生封一篇

帝王所封大歷二篇鄒生談天類也穆天子傳五篇

圖詩一篇又雜書十九篇凡七十五篇七篇簡書折

壞不識名題漆書皆科斗文字多燼簡斷札文既殘

缺不復詮次武帝詔荀勖撰次之以為中經列在祕

書著作郎東晉得觀竹書隨疑分釋皆有義證此晉

書武帝紀荀勖及東晉傳文也又杜預春秋集解後

序亦云汲冢古文七十五卷多不可訓周易及紀年最爲分了周易上下篇與今正同別有陰陽說而無彖象文言繫辭其紀年起自夏殷周皆三代王事無諸國別也惟特記晉國起自殤叔皆用夏正建寅之月爲歲首編年相次晉滅獨記魏事至魏哀王之二十年蓋魏國之史記也文大似春秋經又稱伊尹放太甲七年太甲潛出自桐殺伊尹乃立其子伊陟伊奮令復其父之田宅而中分之師春一卷則純集左氏傳卜筮事合此觀之汲冢所得書雖不可見而其目悉具於此曾無一語及所謂周書者也文昭案東晉傳又有

雜書十九篇內周書論楚事然則亦非此周書也案漢藝文志有逸周書七

十一篇文昭案漢志無逸字以今所謂汲冢周書校之止缺四

篇蓋漢以來原有此書不因發冢始得也李善注文

選日月遠在晉後而其所引亦稱逸周書不曰汲冢

書也惟宋太宗時脩太平御覽首卷引目始有汲冢

周書之名蓋當時儒臣求汲冢七十五篇而不得遂

以逸周書七十一篇充之矣文昭案隋唐志已云汲冢矣晁氏公

武陳氏振孫洪氏适高氏似孫黃氏震李氏燾吳氏

澄周氏洪謨號通知古今者皆未暇深攷文昭案李

繫之汲冢失其本矣升菴失攷余故錄晉書及左傳後序文於此則



此書也當復其舊名題曰逸周書可也嘉靖壬午八月望日楊慎書

史以事辭勝如以事而已則自周秦以逮於今體無論繁簡辭無論工拙而是非善敗興壞之端備見於史何可廢也如以辭而已則自左氏內外傳子長孟堅二書以及於范曄陳壽而下遂無足論然吾以爲皆不能當左氏左氏所紀載雖斷自東遷以後而彼其時去古未遠所稱引多三代盛時微言遺事迄今讀之若揭日月而行千載其博大精深之旨非晚世學者所及固道法所存而六藝之羽翼也等左氏而

上之則無如世所稱汲冢周書者周書七十一篇自劉歆七略班史藝文志已有之而汲冢發自晉太康二年得書七十五篇其目具在無所謂周書當仍舊名不得繫之汲冢楊用脩太史論辨甚覈茲可無論其文辭湛深質古出左氏上所不必論若鄴謀世俗諸篇記武王謀伐殷與克殷俘馘甚眾往往誇誕不雅馴疑表周戰國之士以意參入之然吾觀文傳柔武和寤大聚度邑時訓官人王會職方諸篇其陳典常垂法戒辨析幾微銓敘名物亦有非叔季之主淺聞之士所能彷彿者蓋文武周公所爲政教號令概

見此書固不徒以事與辭勝而已也。丘明氏以博物君子抒藻摛辭，臣素王以垂不朽千載而下，誦法素王者不能舍左氏故。諸家訓詁犂然甚具，而周書視左氏辭特深奧流俗畏難好易不復研覈孔晁一注寥寥及今亦頗多繆誤矣。楊用脩太史嘗序是書以傳顧未嘗一爲參合讐校予讀之不無遺憾乃稍加參訂正其舛誤其不可以意更定者仍闕之以俟博聞之士說者謂尙書纂自孔子而此逸書者劉向以爲孔子所論之餘若不足存嗟乎是書不知當孔子刪與否其指誠不得與經竝然其事則文武周公其文辭則東周以後作者不逮也。蓋不離屬辭紀事而道法猶有存者謂尙書百篇而外是書無一語足傳於經吾猶疑之安得以一二駁辭盡疑其爲孔子所誦遂置不復道哉。自六藝以下文辭最質古者無如是書與周髀穆天子傳諸篇而是書深遠矣。然皆殘缺漫漶不甚可讀蓋去古日遠綴文者喜爲近易故時俗之言易傳而古語日就脫誤有足歎者予旣刻是書因爲敘之如此姜士昌仲文序。

逸周書目錄

卷一

度訓解第一

命訓解第二

常訓解第三

文酌解第四

糴匡解第五

卷二

武稱解第六

允文解第七

大武解第八

大明武解第九

小明武解第十

大匡解第十一

程典解第十二

程寤解第十三

秦陰解第十四

九政解第十五

九開解第十六

劉法解第十七

文開解第十八

保開解第十九

八繫解第二十

以上八篇亡

卷三

鄠保解第二十一

大開解第二十二

小開解第二十三

文傲解第二十四

文傳解第二十五

柔武解第二十六

大開武解第二十七

小開武解第二十八

寶典解第二十九

豐謀解第三十

寤傲解第三十一

武順解第三十二

武穆解第三十三

卷四

和寤解第三十四

武寤解第三十五

克殷解第三十六

大匡解第三十七

文政解第三十八

大聚解第三十九

世俘解第四十

箕子解第四十一 闕

耆德解第四十二 闕

卷五

商誓解第四十三

度邑解第四十四

武傲解第四十五

五權解第四十六

成開解第四十七

作雒解第四十八

皇門解第四十九

大戒解第五十

卷六

周月解第五十一

時訓解第五十二

月令解第五十三

闕今補

諡法解第五十四

明堂解第五十五

嘗麥解第五十六

本典解第五十七

卷七

官人解第五十八

王會解第五十九

卷八

祭公解第六十

史記解第六十一

職方解第六十二

卷九

芮良夫解第六十三

太子晉解第六十四

王佩解第六十五

殷祝解第六十六

周祝解第六十七

卷十

武紀解第六十八

銓法解第六十九

器服解第七十

周書序

逸周書目錄終

逸周書

目錄

五

抱經堂校定本

逸周書雝校所据舊本并校人姓名

元劉廷榦本

名貞有匹明黃玠序大戴禮亦其所梓鄭元祐序稱海岱劉貞庭榦父以中朝貴官出為嘉興路總管

明章彙本

明程榮本

明吳瑄本

明卜世昌本

明何允中本

明胡文煥本

明鍾惺本



元和惠棟定字校

惠曾見宋本并雜取他書相參攷今書中稱惠云者是也其援

引乃考士奇號半農之說今稱號以識別之

吳江沈彤果堂校

嘉善謝墉金圃校

江陰趙曦明敬夫校

臨潼張坦芑田校

江寧嚴長明東有校

金壇段玉裁若膺校

仁和沈景熊朗仲校

仁和梁玉繩曜北校

錢塘梁履繩處素校

錢塘陳雷省衷校

餘姚盧文弨紹弓合衆本并集諸家說校

此書之校定本其與通雅書雖有異同然其校定本之精確非他書所能及也

注此書之孔晁乃王肅弟子其與馬昭等難鄭中王尚在魏世齊王芳之世則入晉時蓋已老矣晁為此注亦當在魏世此亦逸周書非出汲冢之一證也

此書中如尚良父解周書序必孔晁所作甚與尚書偽古文甚似相官人職方二解疑亦晁取戴記及周官入之

逸周書卷第一

汲冢周書

周書卷第一

晉孔晁注

度訓解第一

命訓解第二

常訓解第三

文酌解第四

糴匡解第五

度訓解第一

天生民而制其度注聖人為制法度度小大以正權

輕重以極明本末以立中注制法度所以立中正立

中以補損補損以知足注損益以中為制故知足也

口爵以明等極注極中也貴賤之等尊卑之中也極

以正民正中外以成命注內外正則大命成也正上  
下以順政注順其政教政以內□□□自邇彌興自  
遠遠邇備極終也□微補在□□分微在明注知精  
□□□□微分理有明故明王是以敬微而順分分  
次以知和知和以知樂知樂以知哀知哀以知慧內  
外以知人注慧者甚明所以知人凡民生而有好好有  
惡小得其所好則喜喜舊木作善今從沈改大得其所好則樂  
小遭其所惡則憂大遭其所惡則哀注言其性之自  
然凡民之所好惡生物是好死物是惡民至有好而  
不讓不從其所好必犯法無以事上注不讓則爭爭

則必犯法矣民至有惡不讓不去其所惡必犯法無

以事上徧行於此尙有頑民而況□不去其所惡而

從其所好民能居乎注徧謂兼行好惡也能居乎言

不能居好也舊本正文作而況曰以可去其惡而得其所好民能居乎今從沈改注居好好

字亦疑若不口力何以求之注言力爭也力爭則力政

力政則無讓無讓則無禮無禮雖得所好民樂乎注

爭則不樂若不樂乃所惡也凡民不忍好惡不能分

次注忍為持久堅以次第為疑當作謂堅字不次則

奪奪則戰戰則何以養老幼何以救痛疾死喪何以

胥役也注胥相也明王是以極等以斷好惡教民次

分揚舉力竟揚舉舊作注下空二字今從卜本作正

也優為下三事任壯養老長幼有報壯者任之老

者養之幼者長之使相報此謂力竟也民是以胥役

也夫力竟非衆不尅衆非和不衆和之以懷衆和

非中不立中非禮不慎禮非樂不履明王是以無樂

非人無哀非人言明王所樂所哀無非人也人是

以衆人衆賞多罰少政之美也罰多賞少政之惡也

罰多則困賞多則乏困無醜今從沈改教乃不

至醜謂所厚疑脫所是故民主明醜以長子孫民

趙疑當子孫習服鳥獸仁德歸其仁德土宜天時

作明王

之韻

百物行土之所宜天時所生皆行其物治之初

暨初哉暨字無攷趙疑即治化則順是故無順非厲

明醜以使之所以成順者也長幼成而生曰順極

言使小人大人皆成其事上之心而生其義順之

至也

命訓解第二

天生民而成大命賢愚自然之性命也命司德正

之以禍福司主也以德為主有德正以福無德正

以禍然注未然字立明王以順之順天作政曰大

命有常小命自成成則敬有常則廣廣以敬命則度

至于極注日成日進也如有常則其人法度至中正

也夫司德司義而賜之福祿福祿在人能無懲乎若

懲而悔過則度至于極注懲止也以德居身深術息

其義案能無懲乎三句又見下文謝云悔過即所以

晦夫或司不義而降之禍在人能無懲乎若懲而悔

過則度至于極夫民生而醜不明無以明之能無醜

乎若有醜而競行不醜則度至于極注不謂醜者若

道上為君無以明之民不能自明也在上者能無醜

斯所謂競行不醜也是則止於至善矣下無以穀

之無以畏之皆謂民能無勸乎能無恐乎皆謂君夫

民生而樂生無以穀之能無勸乎若勸之以忠趙疑

以之則度至于極注穀善也謂忠信也夫民生而惡

死無以畏之能無恐乎若恐而承教則度至于極注

以死亡恐民使奉上易教也六極既通六閒具塞注

六中之道通則六閒塞矣通道通天以正人正人莫

如有極道天莫如無極注道謂言說之也趙云道即

注訓言非是文昭案天道遠人道道天有極則不威

不威則不昭正人無極則不信不信則不行注政教

不明明王昭天信人以度功地以利之使信人畏天

則度至于極夫天道三人道三注言相方以立教天

有命有禍有福人有醜有紕統有斧鉞紕統與以人

之醜當天之命以紕統當天之福以斧鉞當天之禍  
 六方三述其極一也述與術同不知則不存一者善之  
 謂也不行善不知故也極命則民墮民墮則曠命曠  
 命以誠其上則殆於亂此下六極謂行之極其道  
 殆近極福則民祿民祿則干善干善則不行不行  
 善也極禍則民鬼民鬼則淫祭淫祭則罷家罷弊  
 其財冀無禍也極醜則民叛民叛則傷人傷人則不  
 義民不堪行則叛義也極賞則民賈其上賈其上  
 則民無讓無讓則不順賈賣以功求其賞也極罰  
 則民多詐多詐則不忠不忠則無報上遇其禮不

報口終凡此六者政之殆也明王是故昭命以命之

曰大命世小命身違大命則世受罰犯小命則罰

身舊本正文作大命世小命身本無兩罰字故孔氏

注以改正今福莫大於行義禍莫大於淫祭醜莫大

於傷人賞莫大於信義讓莫大於賈上罰莫大於貪

詐注言此六者最大文昭案行義當依上文作于善

者兼命而言也其語意非以干善為福淫祭為禍所

謂莫大正申言極之害大耳與孝經罪莫大於不孝

勢似不順遂爾改之福莫大於干善賞莫大於賈上語

指辭讓而言古之明王奉此六者以牧萬民民用而

不失**注**不失其義撫之以惠和之以均斂之以哀娛  
 之以樂慎之以禮教之以藝震之以政動之以事勸  
 之以賞畏之以罰臨之以忠行之以權**注**以權行之  
 權不法忠不忠罰不服賞不從勞事不震政不成**注**  
 言行權當有如此時時字疑誤藝不淫禮有時樂不滿哀  
 不至均不壹惠不忍人凡此物攘之屬也**注**物事惠  
 而不忍人人不勝害害不如死**注**害則死口而猶不  
 如口均一則不和哀至則匱樂滿則荒禮無時則不  
 貴藝淫則害于才政成則不長事震則寡功**注**不長  
 言近淺也震而其功寡矣以賞從勞勞而不至以法

從中則賞賞不必中以權從法則行行不必以知權  
 以法從中以下數句有脫誤以上文推之賞之下當  
 言罰言忠然後終於權也趙云當作以法從賞賞不  
 必中以權從法法權以知微微以知始始以知終**注**  
 則必行行以知權言事勢之相權物理之相致如此也

常訓解第三

天有常性人有常順順在可變性在不改**注**學能故  
 可變自然故不改不改可因因在好惡好惡生變變  
 習生常常則生醜醜命生德**注**雖有天性可因其好  
 惡以變之明醜所以命之則德生矣明王於是生政  
 以正之民生而有習有常以習為常以常為慎民若

生于中習常為常<sup>注</sup>習常為常如性自然故若生于中也夫習民乃常為自血氣始<sup>注</sup>性本所有而幼小習之若自其血氣生之始也明王自血氣耳目之習以明之醜<sup>注</sup>示之以好惡也醜明乃樂義樂義乃至上上賢而不窮<sup>注</sup>窮謂不肖之人哀樂不淫民知其至而至于子孫民乃有古古者因民以順民<sup>注</sup>皆有經遠之規謂之有古父教子子教孫故曰因也夫民羣居而無選為政以始之始之以古終之以古<sup>注</sup>言政必敬始慎終選行也行古志今政之至也政維今法維古<sup>注</sup>頑貪以疑疑意以兩平兩以參參伍以權權

數以多多難以允允德以慎慎微以始而敬<sup>注</sup>終乃不困<sup>注</sup>重明終始之義左傳襄廿五年引慎始而敬終終以不困又中論法象篇

亦困在至誘在王民乃苟苟乃不明哀樂小時四徵不顯六極不服八政不順九德有姦九姦不遷萬物

不至<sup>注</sup>言以至導民政之弊夫禮非尅不承非樂不竟民是乏生口好惡有四徵喜樂憂哀動之以則發

之以文成之以民行之以化<sup>注</sup>以中道化之也六極命醜福賞禍罰醜舊本作聽訛六極不<sup>注</sup>羸謂無常八政

和<sup>注</sup>八政夫妻父子兄弟君臣八政不<sup>注</sup>九德純恪九德忠信敬剛柔和固貞順順言曰政順政曰遂遂



偽曰姦姦物在日姦聲在耳耳目有疑舊本日作因

皆字衍疑言有樞樞動有和和意無等謂差等

萬民無法口口在赦口復在古古者明王奉法以明

幽幽王奉幽以廢法奉則一人也而績功不同注所

行相反故也明王是以敬微而順分

文酌解第四

民生而有欲有惡有樂有哀有德有則則有九聚德

有五寶哀有四忍樂有三豐惡有二咎欲有一極注

廣演其義也極有七事咎有三尼豐有三頻忍有四

教寶有五大聚有九酌注又敷陳也九酌一取允移

二宗傑以親舊本作以觀三發滯以正趙疑常

四貸官以屬五人口必禮六往來取此趙疑取此言

七商賈易資八農人美利九口龍可動此言所酌

為政之事英傑人當親之也五大一大知率謀二大

武劔東二大工賦事四大商行注五大農假注率

謀言為謀之帥假貸恤貧振施者也四教一守之以

信二因親就身三取國免禮四樂生身注就年尊

長年也威近也免枯無患也三頻一頻注質注依宋

本俗間二陰注靈注三畱身散注頻數也散失也

三尼一除戎咎注二申親考疏三假時權注尼是

抱經學校定本

也咎罪也考成也時是也七事一騰咎信志二援拔

瀆謀三聚疑沮惠案聚字說文引作四騰屬威惠案聚字說文引作

五處寬身下本戎六陵塞勝惠案聚字說文引作七錄兵免惠案聚字說文引作騰勝也錄

謂不備兵下本戎一極惟事昌道開蓄伐言事事

皆以忠政行之則吉昌之道開行而征伐之道蓄之

也忠政趙謂伐有三穆七信一幹二御三安十二來

當作中正言征伐之道必有此事可也三穆一絕破城

筮奇昌為三龜絕靈惟凶絕靈不淫祀也不正而下

雖從而凶惠半農云三穆七信一仁之慎散二智之

完巧三勇之精富四族之寡五商之淺六農之

少積七貴之爭寵注七者所宜信明之也一幹勝權

與注言有權無不與謝云注謬幹謂骨幹勝讀平聲

云勝權與言當先立勝算于其始二御一樹惠不憇二既用茲憂

憇巔也以為已巔也既盡憇字無攷三安一定居家

帑二貢貴得布三刑罪布四十二來一弓二矢歸射

注射當可用三輪四輿歸注言御可用五鮑六魚

歸注積以為資鄭注周官籩人鮑魚鱠云鮑者

也七陶入治歸注言竈善則陶冶良也注良舊說

九柯十匠歸林注林當作材匠以為用十一竹十二

葦歸注取之以時所以來人也三穆七信一幹二

鮑讀為鮑費之鮑  
魚讀為盧人為盧  
萬之盧与弓矢輪輿  
陶治柯匠并葦皆用  
兵時必要之工也

御三安十二來伐道咸**布**物無不落**落**物取**配**維有

宜**注**落始也類也究終也趙云落如左傳落實急

哉急哉後失**時**宋本重急哉

糴匡解第五 成年年穀足賓祭祭以盛**注**言賓客宗廟足而不奢

也正文年字祭字各衍其一注不奢何本作不儉詰

大馴鍾絕服美義淫**注**大馴後落淫過謝云大馴鍾

義當闕疑服美義淫謂禮之盛也注訓淫為過凡義

之所當為者皆可過盛淫如聲淫及商之淫與周書

人迴異**注**阜畜約制餘子務藝**注**阜廩別名畜則馬約

制不常秣餘衆也藝樹也注秣字舊詁秩今從宮室

城廓脩為備供有嘉菜於是日滿**注**嘉善也謂薑蒜

之屬滿也廓與郭同嘉菜本亦作嘉菜注舊年儉穀

不足賓祭以中盛**注**有黍稷無稻粱樂唯鍾鼓不服

美**注**外有祭服內無文飾外內二三牧五庫補攝

事物相兼不物設也文昭案三牧當謂戎馬田馬駕

工審五庫之量金鐵一也皮革筋一也凡美不脩餘

子務穡於是糺秩**注**糺之令有事秩年饑則勤而不

賓舉祭以薄**注**用下牲也樂無鍾鼓凡美禁書不早

羣疑畜不車不雕攻兵備不制民利不淫**注**攻治文

案爾雅攻善征當商旅以救窮乏問隨鄉不鬻熟**注**

鬻賣

正文舊作問隨鄉下鬻塾訛謝云大匡解有鄉問其人語又云無粥熟此當作問隨鄉不鬻熟

鬻熟則啓奢情故禁之沈解亦同分助有匡以綏無

者於是救困大荒有禱無祭注饑饉師旅為大荒也

穀梁襄廿四年傳鬼神禱而不祀范國不稱樂企不甯引周書曰大荒有禱無祀即此文

滿壑刑罰不脩舍用振穹注不滿壑不于治地舍用

常以振民也鍾伯敬本地作也因疑于治或君親巡

方卿參告糴餘子倅運開口同食民不藏糧曰有匡

注倅副也盡行此事名曰有匡也左傳振廩同俾民

畜唯牛羊於民大疾惑殺一人無赦注雖有凶疾惑

而相殺者不赦也男守疆我禁不出五庫不膳喪禮

無度察以薄資注戎事自守而已不征伐也喪儉也

而速喪察用注難曉禮無樂宮不幃嫁娶不以時賓

旅設位有賜注不以時秋冬也媒氏會口口合之賓

旅隨位賜之不饗燕案媒氏司男女之無夫家者而

一也注所脫蓋不止二字又饗燕本多作錫燕今從何本

周書卷第一

逸周書卷第一

逸周書卷第二

晉孔晁注

武稱解第六

允文解第七

大武解第八

大明武解第九

小明武解第十

大匡匡解第十一

程典解第十二

程寤解第十三

秦陰解第十四

九政解第十五

九開解第十六

劉法解第十七

文開解第十八

保開解第十九

八繁解第二十

武稱解第六

大國不失其威小國不失其勢敵國不失其權注此

即所謂稱也咄險與并小奪口強攻弱

而襲不注武之經也注經常伐亂伐疾伐疫武之順

也注武道逆取順守故曰順也賢者注之亂者取之

作者勸之怠者注之恐者注之欲者注之武之用也

注武以為用事也美男破老美女破舌今戰國秦策

注武以為用事也美男破老美女破舌今戰國秦策

言破義武之毀也注凡行此事所以毀敵國也赦其

衆遂其咎撫其口助其囊武之閒也餌敵以分而照

其儲以伐輔德追時之權武之尚也注以分謂以分

器土田餌之此術春違其農秋伐其穡夏取其注冬

寒其衣注春秋欲舒冬夏欲注武之時也注寒衣為

敗其絲麻冬夏寒暑盛故欲疾之注疾舊作度案正

疾也故長勝短輕勝重直勝曲衆勝寡強勝弱飽勝

飢肅勝怒先勝後疾勝遲怒忿兵也古人謂敬可以

疑怒是怠之誤武之勝也注肅敬也追戎無注窮寇

不注格鬪也力倦氣竭乃易克乃易克上疑脫一

武之追也注追敵之法既勝人舉旗以注命吏禁

掠無取侵注爵位不謙田宅不注各寧其親民服如

武之撫也謙損也寧安也與謙當百姓咸服偃

兵興德夷厥險阻以毀其服四方畏服奄有天下武

之定也毀武謂毀服之案注言毀武則正文以毀

句韻皆協惠云左氏傳楚莊王曰夫武禁暴戢兵

保大定功安民和衆豐財者也七者皆具此篇中

允文解第七

思靜振勝允文維記以靜規勝康文紀武昭告周

行維旌所在旌旌旗治亂所在收武釋賄無遷厥

官校屬職因其百車收其戎器不取賄因其官吏

無敢改公貨少多振賜窮士救瘠補病賦均田田

主施赦布政也命夫復服用損憂孤寡無告獲厚

咸損損除憂恥謂赦罪振窮敷大惠也咸問外戚

書其所在遷同氏姓位之宗子誅其君爲之主口

及羣臣宗主率用十口綏用口安文弼案夏小正綏

用士女與韻協作女士亦協教用顯允若得父母懷其德政也

寬以政之孰云不聽聽言靡悔遵養時時養時聞

昧而誅之晦明遂語于時允武死思復生生思復所

使昧者脩明而遂告以信武也人知不棄愛守正

戶上下和協靡敵不下人守正戶言不逃亡執彼

玉珪以居其宇庶民咸咻童壯無輔無拂其取通其

疆士民之望兵若待父母彼謂亂邦之君是故天

下一旦而定有四注

大武解第八

武有六制政攻侵伐注搏戰注政者征伐之政善政不善戰不刑善門不敵

攻善攻不侵善侵不伐善伐不搏善搏不戰注言廟

勝也北堂書鈔一百十三引周書七制一曰征二曰

不侵善侵不伐善伐不陣善陣不鬪善鬪政有四注政有四注

五和攻有四注五良侵有四注聚三斂伐有四注時三與

搏有三哀四赦戰有六注五倫六粹五虞注此皆有

義然後能致其攻四注一內姓二外婚三友朋四同

里注言所宜親也五和一有天無注二有人無注卻注同

三同好相注四同惡相注五遠宅不注雖遠居皆

厚之文昭案戰國策黃歇說秦引詩云大武遠宅不

遠宅不涉國策鮑吳兩注及史記正義所此九者政

解各不同與此文不合似未可牽連也

之因也注言因此以成政也四攻者一攻天時二攻

地宜三攻人德四攻行利注攻謂奪其計使不成也

五良一取仁二取智三取勇四取材五取藝注所務

來而任之良當為來字之誤也舊本作良當為此九

者攻之開也注言開此道以成攻也四聚一酌之以

白二懷之以樂三勿聚封注四設圍以注三斂一男

女注二工攻三祗人注祗敬此七者侵之酌也注



言酌此法以成侵也四時一春違其農二夏食其穀

三秋取其刈四冬凍其菽注此皆所用以口敵也凍

謂發露其菽聚注菽本作此皆所用以敵也三興一政以

和注二伐亂以注三伐飢以注此所行當之也此

七者伐之機也注機要也以此要成其伐也三哀一

要不注二喪注三擯注厥注哀敵人之困窮如此要

當為惡擯一作損注文昭案所當哀者羸病者也失位

不字詛注亦難曉梁處素云不羸當作不羸不足

也下文必羸注榮本誤作必羸可知此字亦詛注四

赦一勝人必羸二取威信復三人樂生身四救民所

惡注羸謂益之復謂有之皆救救也此七者搏注之來

也注所以懷來之也六厲一仁厲以行二智厲以道

三武厲以勇四師厲以士五校正厲注六射師厲注

注厲為治政也口口五衛一明仁懷注二明智輔注

三明武攝勇四明材攝注五明藝攝官注皆所以成

戰矣注案尚有五虞一鼓走注二備從注三佐車舉旗

四采虞人注虞人趙五後動撚注撚從也皆求安

道令之道注非詛即衍注無競惟注書有功無注雖強

常念害則不敗也  
大明武解第九  
畏嚴大武曰維四方畏威乃寧注大武之道四方畏  
五 抱經堂校定本

威天下乃寧之也寧之言安之天作武脩戎以助義正

違注正順其義順天行五官官候厥政謂有所注

五官舉大官之言亡無也此五官當即曲禮所云司徒司馬司空司士司寇也

注之言城廓溝渠高厚是量注謂敵人所處也既踐

戎野各本戎作戊今從吳本備慎其殛敬其嚴君乃戰赦注言

當明耳目遠斥候十藝必明明加之以十因靡敵不荒

注荒敗也陣若雲布侵若風行輕車翼衛在戎二方

注奔敵之陣如此我師之窮靡人不剛注知敵之強

乃剛勇也文昭案此即韓信為背水陣以破趙者也注非是十藝一大援二

明從三餘子四長與五伐人六刑餘七三疑文昭案三當為

參八閒書九用少十興怨注刑餘赦徒用少者省費

興怨離構也十因一樹仁二勝欲三賓客四通旅五

親注六無注七同事八程注九口注能注十利注凡成

皆有因也勝欲以義勝欲藝因伐用是謂強轉應天

順時時有寒注言時有難易也風雨飢疾民乃不

處移散不敗農乃商賈委以淫樂賂以美女注謂扇

動之使沈惑也主人若杖口至城下高堙臨內日夜

不注杖謂堅也方陣竝功云何能樂功與攻同梁處素云方陣

之陣當雖易必敬是謂明武注禦當也城高難平湮

之以土開之以走路俄傳器櫓注湮土謂為土山以

臨之也此溼字與下溼溪皆填塞之義亦與堙通用左傳井溼本刊从水堙之傳于堙从土開之之字疑衍趙云傳當為傳音附著城也因風行火障水水下惠用元元

文誨其夏言務口恤刑也旁隧外權墮城溼老

弱單處其謀乃離單處謂無保離舊本作難今依惠半農定為

離與上溪協注謂無舊亦誤到今竝改正既克和服使衆咸竟其金革

是謂大夷咸皆夷平

小明武解第十

凡攻之道必得地勢以順天時觀之以今稽之以古

注兵凶器戰危事故以詳順之稽考也攻其逆政毀

其地阻立之五教以惠其下五教五常之教也矜

寡無告寔為之主五教允申枝葉代興為之君枝

葉謂衆善政也案正文代興當是代舉方與上下韻協興雖可與中協然獨二句間隔非

是國為偽巧後宮飾女荒田逐獸田獵之所游觀崇

臺泉池在下淫樂無既百姓辛苦言凡有此事皆

可伐上有困令乃有極口上困下騰戎遷其野敦行

王法濟用金鼓濟成也言以金鼓濟其伐降以列

陣無惋怒口文昭案惋與懣同當訓為憤怒字接

道攻巷無襲門日言不赦有罪怒伐無辜襲掩也

漢武帝封韓說為無受貨賂攻用弓弩上下禱祀靡神

不下具行衛梯振以長旗先祈禱而後攻戰也懷

威思終左右憤勇無食六畜無聚子女羣振若雷造

于城下鼓行參呼以正什伍言士卒之奮厲也元

何本若雷俱作若電上有軒冕斧鉞在下勝國若化故曰明武

注軒冕所以為賞也

大匡解第十一

維周王宅程三年遭天之大荒注程地名在岐州左

右後以為國初王季之子文王因焉而遭饑饉後乃

徙豐焉馬趙云竹書紀年文丁五年王季作程邑帝辛

與此合作大匡以詔牧其方三州之侯咸率注文王初

未得三分有二故三州也率謂奉順也王乃召冢卿

三老三吏大夫百執事之人朝于大庭注冢卿孤卿

三吏三卿也大庭公堂之庭問罷病之故政事之失

刑罰之戾哀樂之尤注戾罪尤過賓客之盛用度之

費及關市之征山林之匱田宅之荒溝渠之害注匱

荒害皆謂官不修無征注征趙疑是政怠墮之過驕頑之虐

水旱之菑注皆以為失之者曰不穀不德政事不時

國家罷病不能胥匡二三子不尙助不穀官考厥職

鄉問其人注不尙尙也問人政得失案注云不尙尙

字今依因其耆老及其總害惠半農疑慎問其故無

隱乃情注總衆人也及某日以告于廟有不用命有

常不赦**注**明日王至廟告常者常刑也王既發命入

食不舉百官質方口不食饗**注**王不舉樂百官徹膳

以思其職方道及期日質明王麻衣以朝朝中無采

**注**此凶服自居為荒變文昭案凶禮有五荒居一焉詩云麻衣如雪蓋純素

也王有朝服其下非列采不官考其職鄉問其**利**因

謀其**節**旁匡於衆無敢有**注**衆衆民也百官率職

故無違詰退驕頑方收不服慎惟怠墮什伍相**注**

方收方方收其不服化者也注方方舊木上一動勸

游居事節時**注**農夫任戶戶盡夫出**注**茂勉也言無

戶不出夫以勸農農廩分**注**鄉命受**注**程課物徵躬

競比**注**農人藏穀于廩分在諸鄉合課程比藏者

比方其收藏也注合字本或作命然藏不粥糴糴不

加均賦洒其幣鄉正保貸**注**糧不加均多從所有不

限也洒散也幣以糴以資窮也成年不償信誠匡助

以輔殖財**注**名曰貸而不償所以生殖民財也財殖

足食克賦為征數口以食食均有賦**注**均民足食而

征其賦以八官也數口之口元外食不贍開關通糧

糧窮不轉孤寡不廢**注**窮征困內不轉出外也滯不

轉畱戍城不畱口足以守出旅分均馳車送逝且夕

運糧**注**口不戍者不令畱足以守之衆皆其運之也

運糧**注**口不戍者不令畱足以守之衆皆其運之也

於是告四方遊旅旁生忻通津濟道宿所至如歸  
注有告者窮者有所歸也幣和輕乃作母以行其子  
注以貴重為母謂錢幣之屬易資貴賤以均遊旅使無  
注滯注非但租賦作母行子遊旅易資亦然無粥熟無  
室布權內外以立均無蚤暮閭次均行注均平民財  
行之無早晚之常也均行衆注積而勿口以罰助均  
無使之窮平均無乏利民不注雖積賞進有無不  
隄防之使民有過者罰其穀幣其穀幣通以助均無  
播蔬無食注可食之菜口蔬以數度多少省注  
注國家常用祈而不賓祭服漱不制注不賓殺禮不制

不造新也車不雕飾人不食肉畜不食穀注畜謂馬  
也國不鄉射樂不牆合注牆合即所謂注牆屋有補無作  
注皆為荒降之也資農不敗務注農務不廢棄也注  
注農桑之務不廢非公卿不賓賓不過具注唯貴公卿酒食而  
已哭不畱日登降一等注畱盡也降一等為荒廢之  
也注庶人不獨葬伍有植送往迎來亦如之注  
均恤興迎亦如植其送迎亦相救也有不用命有常  
不違

程典解第十二

維三月既生魄文王合六州之侯奉勤于注三分

天下有其二以伏事殷也伏與商王用宗讒震怒無

**疆**注宗衆疆境也謝云宗不當訓衆六州歸化安得

本宗下作方諸侯不娛義一本作虞逆諸文**王**支王弗

忍乃作程典以命三忠注娛樂也不忍從諸侯即王

位所以爲至德典常也趙云當是諸侯勸文王叛商

位恐非特文王不爲諸侯亦不敢爲文王言之曰助

也注未典常也舊作常典也係誤倒謝改正

余體民無小不敬如毛在躬拔之痛無不省注毛以

喻小也無不省故宐敬小也舊本注次小字誤政失

患作作而無備死亡不誠誠在往事備必慎備思地

思地慎制思制慎人思人慎德德開開乃無患注以

往事誠將來開通言德合也慎德必躬怨怨以明德

德當天而慎下注以慎道教天下下爲上貸力競以

**讓**讓德乃行注以讓爲化慎下必翼上上中立而下

比句爭省句和而順慎此下舊有慎同二字乃校攜乃

爭和乃比注翼敬也中立謂無比也比事無政無政

無怨無遷民乃頑頑乃害上注無雋遷之士在官故

頑民害上故選官以明頑頑民乃慎慎守其教小大

有度以備苗注小大口吉凶也協其三協固其四

援明其伍左氏昭廿三年傳明其伍侯賈服王董

川侯平地侯也杜預以習其武誠依其山川通其舟

部伍侯望解之非是

抱經堂校定本

車利其守後務注脩文教誠武備聖王之事士大夫不

雜于工商注使各專其業商不厚工不巧朽農不力不

可成治必善其事治乃成也注商不厚趙云當作不

皆誤今士之子不知義不可以長幼注有士行之義

訂正方為士工不族居不足以給官族不鄉別不可以入

惠注族謂羣也雖不別其鄉難以行其惠也舊作雖不

以行其惠也語意為上不明為下不順無醜注言國

相反非是今訂正無恥醜也類注似謝云醜當訓輕其行多其愚不智注不重

其行自多其愚何智之有正文不智舊本多作慎地

必為之圖以其物物其善注別其地所生物之

善惡也度其高下利其陂溝愛其農時脩其等列務

其土實注務其勤樹藝也舊本藝誤差其施賦設得

其宐宐協其務務應其趣注言其所施當也慎用必

愛工攻其材商通其財材百物鳥獸魚鼈無不順時注

順時所為愛之也生穡省用不濫其食津不行火藪

林不伐注濫過也非時不火不伐也牛羊不盡齒不

用乃思慎口備不敬不意多口用寡立親用勝懷遠嫌

遠格而邇安注多用謂振施也於安思危於始思終

於邇思備於遠思近於老思行不備無違嚴戒注必

逸周書 卷二 十三 抱經堂校定本



有忍乃有濟也終謂終其義也格至也謝云注必有忍句引用無

謂疑正文有脫句文昭案注終其義下舊衍

程寤解第十三卷五百三十三及藝文類聚所引補

七十

文王去商在程正月既生魄太姒夢見商之庭產棘

小子發取周庭之梓樹于闕闢化為松柏棫柞寤驚

以告文王文王乃召太子發占之于明堂王及太子

發竝拜吉夢受商之大命于皇天上帝案帝王世紀

又以告文王下云文王不敢占召太子發命祝以幣

告於宗廟羣神然後古之于明堂及發竝拜吉夢遂

秦陰解第十四二

九政解第十五二

九開解第十六二

劉法解第十七二

文開解第十八二

保開解第十九二

八繫解第二十二

逸周書卷第二

逸周書卷第三

晉孔晁注

鄭保解第二十一 大開解第二十二

小開解第二十三 文傲解第二十四

文傳解第二十五 柔武解第二十六

大開武解第二十七 小開武解第二十八

寶典解第二十九 鄭謀解第三十

寤傲解第三十一 武順解第三十二

武穆解第三十三

鄭保解第二十一

維二十三祀庚子朔九州之侯或格于周于在鄂昧  
 爽立于少庭王告周公旦曰嗚呼諸侯咸格來<sup>○</sup>辛  
 苦役<sup>○</sup>吾何保守何用<sup>○</sup>且拜手稽首曰商為無道  
 棄德刑範欺侮羣臣辛苦百姓忍辱諸侯莫大之綱  
 福其亡亡人惟庸王其祀德純禮明允無二卑位柔  
 色金聲以合之王乃命三公九卿及百姓之人口恭  
 敬齊潔咸格而祀于上帝商饋始于王因饗諸侯重  
 禮庶吏出送于郊樹昏于崇內備五祥六<sup>○</sup>七<sup>○</sup>十  
 敗<sup>○</sup>四<sup>○</sup>外用四<sup>○</sup>五<sup>○</sup>六<sup>○</sup>七<sup>○</sup>五<sup>○</sup>祥一君選<sup>○</sup>二  
 官得<sup>○</sup>三務不舍<sup>○</sup>四不行<sup>○</sup>五察民困六衛一明仁

懷恕二明智設<sup>○</sup>三明戒攝勇四明才攝<sup>○</sup>五明德

<sup>法</sup>攝官六明命攝政<sup>○</sup>案此六衛與前卷大武解有相同

明戒攝勇或本或作武明德攝官本或作明藝法官  
 疑皆後人以前卷改易此文也趙云明戒以攝其勇  
 則知方而不妄逞明德以攝其官  
 則在官者皆以實心行實政矣七厲一翼勤厲務

二動正厲民三靜兆厲武四翼藝厲物五翼言厲復

六翼敬厲衆七翼知厲道十敗一佞人敗<sup>○</sup>二詔言

毀積三陰資自舉四女貨速禍<sup>○</sup>文昭案此即左傳叙

也五比黨不揀<sup>○</sup>不揀不知六佞說<sup>○</sup>謝云亦即左

也七神龜敗<sup>○</sup>趙云此如詩所云我八賓祭推<sup>○</sup>

九忿言自辱<sup>○</sup>十異姓亂<sup>○</sup>族<sup>○</sup>四葛一葛其農時不<sup>○</sup>移<sup>○</sup>二

費其土慮不也三正賞罰獄無姦梁處素云姦奇

奇當如奇請四葛其戎謀族乃不罰四蠹一美好怪

奇以治之二淫言流說以服之三羣巧仍興以力之

四神巫靈寵以感之五落一示吾貞以移其耕二微

降霜雪以取宥惠云周禮占三信蟫萌其能安

方眠履掌四厚其禱巫其謀乃夢舍萌于四五流德飄枉以明

其惡六容一游言二行商東三軍旅之庸四外風之

所揚五困失而困本或作事應時時乃六厚使

以田來其所藏七惡一以物角二合美其前而厚

其陽三閒於大國安得吉凶四交其所觀靜之以物

則以流其身五率諸侯以朝賢而已猶不往六合

之有求遂以生七見親所親勿與深謀命友人

且拜曰嗚呼王孫其尊天下無見過過適無好自

益以明而支嗚呼敬哉視五祥六衛七厲十敗四葛

不脩國乃不固務周四五落六容七惡不時不允

不率不緩緩本或作緩或作反以自薄嗚呼深念之

哉重維之哉不深乃權不重從權乃不從乃潰潰

不可復戒後人其用汝謀王曰允哉潰潰沈云當作潰

又舊本復出復戒後人四字係因上誤衍

維王二月既生魄王在鄠立于少庭兆墓九開開厥  
後人八儆五戒八儆一口且于開二躬脩九過三族  
脩九禁四無競維義五習用九教六口用守備七足  
用九利八寧用懷口五戒一祇用謀宗二經內戒工  
三無遠親戚四雕無薄口五禱無憂玉及爲人盡不  
足王拜儆我後人謀競不可以藏戒後人其用汝謀  
維宿不悉日不足

小開解第二十三

維三十有五祀王念曰多口正月丙子拜望食無時  
汝開後嗣謀曰嗚呼于來後之人余聞在昔曰明明

非常維德曰爲明食無時汝夜何脩非躬何慎非言  
何擇非德嗚呼敬之哉汝恭聞不命賈粥不讎謀念

之哉不索禍招無曰不免不庸不茂不次人蓄不謀

逃遷弃非人迷弃俗本作遷朕聞用人不以謀說說惡

諂言諂音叨疑也色不知適適不知謀謀泄汝躬不

允嗚呼敬之哉後之人朕聞曰謀有其輔如乃而舍

人之好惠云如讀佚而無窮貴而不傲富而不驕兩

而不爭聞而不遙遠而不絕窮而不匱者鮮矣汝謀

斯何嚮非翼維有其枳枳亡重大害小不堪柯引維

德之用用皆在國謀大鮮無害嗚呼汝何敬非時何

擇非德德枳維大人大人枳維公公枳維卿卿枳維

大夫大夫枳維士章懷注後漢書引此作周書呂刑

云枳者言上下相登登皇皇君枳維國舊闕君字國

枳維都都枳維邑邑枳維家家枳維欲無疆動有三

極用有九因因有四威五私極明與與有畏勸汝何

異非義何畏非世何勸非樂謀獲三極無疆動獲九

因無限務用三德順攻奸口言彼翼翼在意勿時德

春育生素草肅疎數滿肅本或作蕭夏育長美柯華務水

潦秋初藝不節落冬大劉倍信何謀本口時歲至天

視嗚呼汝何監非時何務非德何興非因何用非極

維周于民人謀競不可以後戒後戒宿不悉日不足

文傲解第二十四

維文王告夢懼後祀之無保庚辰詔太子發曰汝敬

之哉民物多變民何嚮非利利維生痛痛維生樂樂

維生禮禮維生義義維生仁嗚呼敬之哉民之適敗

上察下遂信何嚮非私私維生抗抗維生奪奪維生

亂亂維生亡亡維生死嗚呼敬之哉汝慎守勿失以

詔有司夙夜勿忘若民之嚮引汝何慎非遂何慎舊

改遂時不遠非本非標非微非輝壤非壤不高水非

水不流嗚呼敬之哉倍本者槁汝何葆非監不維一

保監順時維周于民之適敗無有時蓋後戒後戒謀念勿擇

文傳解第二十五

文王受命之九年時維暮春太平御覽百四十六所引同今本詩正義作維

春之在部召太子發曰嗚呼我身矣吾語汝我所

保與我所守傳之子孫吾厚德而廣惠忠信而志也

人君之行注四者君德玉海卅一引作厚德廣不為

驕侈不為泰靡不淫于美括柱茅茨為民愛費注言

務儉也因就木校曰括括與刮楹之刮同御覽柱即

亦從德山林非時不升斤斧以成草木之長川澤非

時不入網罟以成魚鼈之長自在部召太子發至此皆依太平御覽卷八上

四卷百四十六參核補正舊本吾語汝下作所保所

守守之哉無下兩而字與御覽百四十六同川澤非

時不入網罟御覽八十四不麝不卵以成鳥獸之長

作而順天時水澤不內舟不麝不卵以成鳥獸之長

說文引云不卵不蹊以成吹漁以時童不夭胎馬不

鳥獸云巽者纒獸足也成吹漁以時童不夭胎馬不

馳驚土不失宜注言土地所宜悉長之御覽八十四

唯時不殺童牛不天胎童牛不服童馬不馳不驚澤

不行害土不失其宜萬物不失其性天下不人其時

藝文類聚亦引童牛不服童馬不馳土不失其宜萬

也注所為疑是所謂也  
故凡土地之閒者聖人裁之

竝為民利是魚鼈歸其泉鳥歸其林注取之以時不

天胎故正文是下疑有以字孤寡辛苦咸賴其生注得所生長

材用山以遂其材山下疑當有林字工匠以為其器百物以

平其利商賈以通其貨注無二德也工不失其務農

不失其時是謂和德注和故不失土多民少非其土

也土少人多非其人也故土多發政以漕四方四

方流之注漕轉流歸言移內入也入舊作人記土少安帑

而外其務方輸注外設業而四民方輸穀注當作外設業民而

四方夏箴曰中不容利民乃外注夏禹之箴戒書

也利福業次舍於田注舊脫利福二字又次舍開望

曰土廣無守可襲注土狹無食可圍注二禍之來不

稱之注開望古書名也政以人士相稱為善也天

論實邊篇引周書曰土多人少莫出其材是謂虛土

可襲伐也土少人眾民非其民可遺竭也故土地

人民必相稱也遺天有四注水旱饑注其至無注非

竭疑是匱竭之誤注積材用聚穀蔬夏箴曰小人無

務積聚何以注之注積材用聚穀蔬夏箴曰小人無

兼年之食遇天饑妻子非其有也注古者國家三年必有

遇天饑臣妾輿馬非其有也注御覽三十五引此作夏

一年之儲非其有言流亡也注歸藏詛案墨子七患篇

引周書曰國無三年之食者國非其國也家無三年

之食者子非其子也胡廣百官箴曰墨子著書稱



夏箴之辭戒之哉弗思弗行至無日矣注言不遠也

不明開塞禁舍者其如天下何注不明謂失其機人

各修其學而尊其名聖人制之注制而業用故諸橫

生盡以養從謝云脫從生盡以養一丈夫注橫生萬

物也從生人也一丈夫天子也言兆民養天子也注

字舊訛者無殺天注無伐不成注無愷四注如此者

十年有十年之積者注通三十年之計也趙云三

通惟謂耕耳此兼言庶物如此者十年承上有五年

之積者霸無一年之積者注通十五年之計有五

年之積也己為無國家生十殺一者物十注生一殺

十者物頓注十重者注頓空者注生多到重生少

到空兵強勝注人強勝注能制其有者則能制人之

術注勝天勝有天命不能制其有者則人制之注術

自取之令行禁止王注始也出一曰神明注出二曰分注

注政有二名分君之明光亦明也王始疑是王治注

出三日無適異出四曰無適與無適與者注君臣

無適異民無適與不亡何待也符

柔武解第二十六

維王元祀一月既生魄王召周公且曰嗚呼維在文

考之緒注此文王卒之明年春也維周禁五注五

兔周書 卷三 八 抱經堂校定本

戎不禁厥民乃注此成周也而謂之戎言五者不

禁戎之道也一曰士觀幸時政匱不國二曰獄讎刑

蔽姦吏濟注濟貸成其貨也三曰聲樂口口飾女

滅德四曰維勢是輔維禱是怙五曰盤游安居枝葉

維落注輔口怙恃盤游安居皆害之術輔口怙恃疑

禱五者不距自生戎旅故必以德為本以義為術以

信為動以成為心以決為計以節為勝注言以德為

本以節為勝距戎之本也正文以成趙疑是以誠案

疑當作言以德務在審時紀綱為序和均口里以匡

辛注匡正也辛苦窮也見寇口威靡適無口勝國

若化不動金鼓善戰不鬪故曰柔武四方無拂奄有

天下注拂違也言惑也奄宋本作掩謝云當作奄

大開武解第二十七

維王一祀二月王在鄠密命注密人及商紂謀周大

命密如君不密之密訪於周公旦曰嗚呼余夙夜維

商密不顯誰和注言欲以毀送之商密告歲之有秋

今余不獲其落若回注和捐萬物而商密欲擯我周

不得其落恐將亡文昭案此蓋以一事為喻也後云

及密人序云武王忌商亦不及密上云密不顯誰和

蓋云茲事密不顯誰其與我合意者注乃云欲以毀

送之商密聖人豈有此意哉毀而傲懼周公曰茲在

德敬在周其維天命王其敬命**注**言天命在周當敬

命而已遠戚無**注**和無再**注**維明德無**注**所親近

疎遠也再失為復失也注為當佚不可還維文考恪

勤戰戰何敬何好何惡時不敬殆哉**注**言一佚不可

還故念文王所敬王拜曰允哉余聞國有四戚五和

七失九因十淫非不敬不知**注**言非不欲敬而未知

所聞欲知之也今而言維格余非廢善以自塞維明

戒是祗**注**而汝格至也是祗敬之周公拜曰茲順天

天降寤于程程降因于商商今生葛葛右有周**注**言

天寤周以和商謀商朝生葛是祐助周也趙云降寤于程蓋即

指太妣之夢維王其明用開和之言言孰敢不格**注**可否

相濟曰和欲其開臣以和則忠告之言無不至也四

戚一內同外二外婚姻三官同師四哀同勞五和一

有天維國二有地維義三同好維樂四同惡維哀五

遠方不爭**注**以文德來遠七失一立在廢二廢在祗

三比在門四諂在內五私在外六私在公七公不違

**注**立所廢則功多廢所敬則不見疑口比諂近公私

于錯公法不能違之所謂失趙云立在廢立者在所廢在祗廢者在所

敬也注九因一神有不饗二德有不守舊作所三才

有不官四事有不均五兩有必爭六富有別七貪有

抱經堂校定本

匱八好有遂九敵有勝注此皆因其事而以誤彼國

也趙云因乃因利乘便十淫一淫政破國動不持民

不保二淫好破義言不協民乃不和三淫樂破德德

不純民乃失常四淫動破醜醜不足民乃不讓五淫

中破禮禮不同民乃不協六淫采破服服不度民乃

不順七淫文破典典不式教民乃不類八淫權破故

故不法官民乃無法九淫貨破職百官令不承十淫

巧破用用不足百意不成嗚呼十淫不違危哉今商

維茲注言商紂所行如此十者之所蔽其唯第茲命

不承殆哉注不率天命則危殆也若人之有政令廢

令無赦乃廢天之命訖文考之功緒忍民之苦不祥

注廢政令罪不赦而乃廢天命口父之業忍民患是

不祥也若農之服田務耕而不耨維草其宅之既秋

而不獲維禽其饗之人而獲飢云誰哀之注草居之

是農不脩也獸食之是飢也已自取之是時矜之父

業之遵正文不獲沈改不獲又云字舊訛去今訂正

注是時疑當作有誰又父業上疑有脫文蓋

即有播有穫之意周公欲武王繼承王拜曰格乃言

文考之功緒也王是以拜受其言王王拜曰格乃言

嗚呼夙夜戰戰何畏非道何惡非是不敬殆哉注王

心以周公言為至故拜也  
小開武解第二十八  
逸周書 卷三 十一 抱經堂校定本

維王二祀一月既生魄王召周公旦曰嗚呼余夙夜  
忘商不知道極敬聽以勤天命周公拜手稽首曰在  
我文考順明三極躬是四察循用五行戒視七順順  
道九紀注皆文王所行之三極既明五行乃常四察  
既是七順乃辨明勢天道九紀咸當順德以謀罔惟  
不行注言化道大行也三極一維天九星二維地九  
州三維人四左注九星四方及五星也四左疏附禦  
侮奔走先後是也惠云文選注引周書王曰余不知  
歲是謂九星文昭案文選注三十六所云乃九紀也  
孔以經緯釋九星甚當他說皆不足取又四左成開  
解作四佐上言文四察一目察維極二耳察維聲三  
考故注引詩為釋

口察維言四心察維念注四者當所必察真偽五行

一黑位水二赤位火三蒼位木四白位金五黃位土

注言其所順而勤勤疑當作動七順一順天得時二順地

得助三順民得和四順利財足五順得助明謝云疑是順助

得六順仁無失七順道有功注順天時得天道順道

有功得人功九紀一辰以紀日二宿以紀月三日以

紀德四月以紀刑注日月之會曰辰甲乙十者於四

方以紀日宿次十二紀十二月次日為禮月為法也

五春以紀生六夏以紀長七秋以紀殺八冬以紀藏

九歲以紀終注四時終則成歲時候天視可監時不

失以知吉凶。天視言視天時。王拜曰：允哉！余聞在昔訓典中規，非時罔有恪言。日正，余不足謙以受。

惠云恪卽古文恪字

### 寶典解第二十九

維王三祀。唐書引作元祀二月丙辰朔，王在鄙，召周公旦曰：

嗚呼！敬哉！朕聞曰：何脩非躬，躬有四位九德。言脩

身以四位九德也。何擇非人人有十姦。凡人所不

能免者，何有非謀。謀有十散，不圍我哉。圍禁也。惠云

圍讀曰禦何慎非言。言有三信，信以生寶。寶以貴物，物周

為器。周用之為器，美好寶物無常。維其所貴，信無

不。貴在周用，行之以神，振之以寶，順之以事，明

眾以備改口，以庸庶格懷患。言治實以器用四位

一曰定，二曰正，三曰靜，四曰敬。敬位不哉，靜乃時非

正位不廢，定得安宅。不大也，時非待時不動。九德

一孝子畏，乃不亂。二悌，悌乃知序。序乃倫，倫不

騰。正上乃不。不騰不越，不相超越。三慈，惠知長

幼知長。幼樂養，上慈字而誤衍耳。今刪。四忠，恕

是謂四儀。風言大極，意定不移。儀言也。五中正，是

謂權。補損知。六恭，遜是謂容德。以法從權，安上

無。選數，慝惡七寬，弘是謂寬。守准德，以義樂獲

純注純大也注大也注謂之大大之福八溫注是謂

明德喜怒不却主人乃注却聞也九兼武是謂明

刑惠而能忍尊天大經九德廣備次世有注長有

令問十姦注謝云十姦當作十干古字姦作注一窮口干

二酒行干理三辯惠干智四移潔干注五死勇干

武注實少而名多曰移也六展允干注惠云外傳云

昭云展誠也誠謂七比譽干讓八阿眾干注名九專愚

干果十懷孤干注十者皆不誠之行故曰姦十散

一廢口口口行乃泄口口口口口口口三淺薄

閒瞞其謀乃獲四說咷輕意乃傷營立五行恕而不

願非憂其圖注閒瞞不察謂所謀也文昭案說咷當

厚重所謀六極言不度其謀乃費極言不度七以親

為注其謀乃注八心私慮注百事乃注九愚而自信

不知所守十不釋太約見利忘親注適單也言十者

皆散汝成三信一春生夏長無注民乃不注二秋落

冬殺有注政乃盛注三人治百物物德其注是謂信

極言其信至而其余也四字趙信既極矣嗜欲口

在在不知義欲在美注有義是謂生注以義為寶

周公拜手稽首興曰臣既能生寶恐未有子孫其敗

有口其心恐有寶而子孫不能有致治也舊本

抱經堂校定本

孫不二既能生寶未能生○恐無後○王寶生之恐

失王會道維其廢注會所當會之寶王拜曰格而言

維時余勸之以安位教之廣注安位謂信有得用寶

而亂亦非我咎上設榮祿不患莫仁注言以榮祿祿

口仁也則用是榮人也仁以愛祿允維典注既得其

祿又增其注上下咸勸孰不競注維子孫之謀寶以

為常注言仁人以愛祿為常法則人皆競仁欲愛子

孫謀此為常

鄂謀解第三十

維王三祀王在鄂謀言告聞注自文王受命至此十

年也知敵情向人問人日以紂謀告武王也注十年

十二年向人問下舊本作人日謀王召周公旦曰嗚

呼商其咸辜維日望謀建功謀言多信今如其何注

言商君臣皆罪周日望以周建功也周公曰時至矣

乃興師循故注言可伐紂之時至謂循古法趙云循

用湯之故事即世俘解所云初用三同一戚取同二

任用能三矢無聲注矢誓言誓象以盡心也三讓一

近市二賤粥三施資注以財讓也近來民市旅資以

思也疑當作施三虞一邊不侵內二道不毆牧三郊

不畱人注虞樂也設此三禁所以悅民王曰嗚呼允



從三三無咎厥徵可因注言三讓三同三虞無違言

善徵可用以立功也與周同愛愛微無疾疾取不取

疾至致備注疾惡由由禱不德不德不成害不在小終

維實大悔後乃無注曲為非義神不德之帝命不諂

應時作謀不敬殆哉周公曰言斯允格誰從己出出

而不允乃蓄注帝天也諂僭也敬疾也往而不往乃

弱士卒咸若周一心注不往則是弱一心則應時也

舊本應作不  
今從卜本

寤敬解第三十一舊本皆作寤敬敬亦與敬通管子  
立政篇敬山澤敬同傲訓為戒也

維四月朔王告傲召周公旦曰嗚呼謀泄哉今朕寤

有商驚予注言夢為紂所伐故驚欲與無口則欲攻

無庸以王不足戒乃不興憂其深矣注戒不興言所

憂不從戒中來也周公曰天下不虞周驚以寤王王

其敬命奉若稽古維王注虞度若順克明三德維則

注三德剛柔正直威和遠人維庸注和近人則遠人

用攻王禱赦有罪懷庶有茲封福注庶眾封大監戒

善敗護守勿失無虎傅注將飛入邑擇人而食入邑  
舊作

入宮今從韓非子  
難勢篇所引改不驕不恡時乃無敵注此是義也

王拜曰允哉余聞曰維乃予謀謀時用臧不泄不竭

維天而已注聞古言也天道無常余維與汝監舊之

葆咸祗曰戒戒維宿注言戒於心宿古文夙

武順解第三十二

天道尚左日月西移地道尚右水道東流易今從博

志物人道尚中耳目日役言耳目為心所役也心有

四佐不和曰廢注四佐脾腎肺肝也地有五行不通

曰惡注金木水火土更相生天有四時不時曰凶天

道曰祥地道曰義人道曰禮知祥則壽知義則立知

禮則行注言其相通禮義順祥曰吉吉禮左還順天

以利本注本謂人也起云注首亦當有天左還也一

民武禮右還順地以利兵注地右還也正去天地舊

將居中軍順人以利陣注人尚中人有中曰參無

中曰兩兩爭曰弱參和曰彊有中必有兩故曰參

注兩字闕今補謝云有中無中即謂男女皆以形體

言之男成三女成兩皆下體形象合三兩而成五交

構成室以生民下文左右手亦以男生而成三女生

形體言之注有中必有兩解味明民生而成三女生

而成兩案兩字舊脫今五以成室室成以生民民生以

度注陽奇陰耦五謂相配成室正文成室生民舊皆

今皆改正左右手各握五左右足各履五曰四枝元首曰

末注四枝手足元首頭也惠半農云左傳風淫末疾

象曰本末弱本謂初末謂三又木五五二十五曰元

卒注伍兵名一卒居前曰開一卒居後曰敦注開猶

啓敦猶服注舊作開有豎又一作開謂啓文昭案當

下當作敦猶殿軍後曰殿是也又司馬法曰大前驅

啓乘車大晨倅車屬焉則古人名前軍為啓又有名

啓有肱杜注謂左翼曰啓右翼曰肱此出後人所名

耳左右一卒曰閭四卒成衛曰伯注皆陣名伯卒名

三伯一長曰佐三佐一長曰右注九伯卒也三右一

長曰正三正一長曰卿三卿一長曰辟注伯卒則右

千卒則正三千卒則卿萬卒舉令之於君辟君也此

謂諸侯三軍數起於伍故不正相當此段注有訛案

為兵百人以下皆三三而益之佐十二卒兵三百人

右三十六卒兵九百人正百八卒兵二千七百人鄉

三百二十四卒兵八千一百人辟九注辟必明卿必仁

正必智右必和注言其德如此乃堪其任也佐必肅

肅舊本口伯必勤卒必力卒二十五人之帥故以

勇力為之也辟不明無以慮官卿不仁無以集眾伯

不勤無以行令卒不力無以承訓注訓謂先後辟也

承謂奉行後令也注疑是其令均卒力貌而無比比則

不順注比者比同也均伯勤勞而無攜攜則不和注

攜離均佐肅敬而無雷雷則無成注雷遲均右和恭

而無羞羞則不興正文舊本肅作和和作肅今從沈

尚闕均正辟必文聖如度注言聖君有所為如度度

功不有差也元忠尚讓親均惠下集固介德注介大

逸周書 卷三 抱經堂校定本

也言必所集則常在大道也危言不干德曰正注不  
于謂不犯也正及神人曰極世世能極曰帝注極謂  
其上

武穆解第三十三

曰若稽古曰昭天之道熙帝之載揆民之任夷德之

用注夷常揔之以威殷等之以口禁成之以口和注

咸皆殷盛也皆以法揔之也咸康于民卿格維時監

于列辟注視古公列君以為師也列辟周上世之賢

當取法也舊本列下衍也字又本并古敬惟三事永

有休哉三事一倡德二和亂三終齊德有七倫亂有

五遂齊有五備五備一同往路以揆遠邇二明要醜

友德以眾爾庸三明辟章遠以肅民教四明義倡爾

眾教之以服五要權文德不畏強寵注同往路謂口

遠之也教之以服先王法服也趙云服五遂一道其

通以決其雍雍與壅同元二絕口無赦不疑三挫銳

無赦不危四閑兵無用不害五復尊離羣不敵注羣

離故不敵也七倫一毀城寡守不路注路通二通道

不戰三小國不凶不伐四正維昌靜不疑五睦忍寧

于百姓注中厚忍辱六禁害求濟民七一德訓民民

乃章注明於教訓欽哉欽哉余夙夜求之無射

逸周書卷第三

逸周書卷第四

晉孔晁注

和寤解第三十四

武寤解第三十五

克殷解第三十六

大匡解第三十七

文政解第三十八

大聚解第三十九

世俘解第四十

箕子解第四十一

耆德解第四十二

和寤解第三十四

王乃出圖商至于鮮原注近岐周之地也小山曰鮮

汲郡古文曰帝辛五十二年秋召邵公奭畢公高王周師次于鮮原詩曰度其鮮原

曰嗚呼敬之哉無競惟人人允忠惟事惟敬小人難保注言王以多賢人為強保安之也注言王疑后降

惠于民民罔不格惟風行注賄無成注人之歸惠

如草應風如用賄則無成事注絕蔓蔓若注豪

末不注撥將成斧注此言防患在微也注豪末不撥戰

不注拔王乃厲翼于尹氏八士唯固允讓注厲獎厲也

尹氏八士武王賢臣也注舊本注脫尹氏八士四字今補德降為則振

于四方行有令問成和不逆加用禱巫神人允順注

言皆順成和志也

武寤解第三十五

王赫奮烈注八方咸注發注高城若注地注商庶若注化注言士卒

應王之奮烈視高城若平地若化恐怖也注若化如蒲

成之約期于牧案用師注商不足滅分禱上注於

牧野將戰先禱天地也王食無注疆王不食言庶赦定

注言當赦其罪人定其宗主不食言也尹氏八士

太師三注公咸作有績神無不注言羣臣皆謀立功

而神明享其禱注績舊本訛作績案注云皆謀立功則

臣言今王克配注合于四海惟乃永注德合四表

克殷解第三十六

周車三百五十乘陳于牧野帝辛從注十三年正月

牧野商郊紂出朝歌二十里而迎戰也武王使尚父

與伯夫致師注挑戰也王既誓以虎賁戎車馳商師

商師大崩注戎車三百五十乘則士卒三萬六千三

百五十人有虎賁三千五百人也誓字舊本無又崩

改梁云書序孟子及國策蘇秦說趙魏皆云武王伐

紂車三百兩獨此言三百五十乘而墨子明鬼下篇

又云車百兩一多一少似未可信古車戰之法一車

甲士三人步卒七十二人至臨敵制變更以甲士配

車而戰一車實百人每乘以虎賁一人為右故有虎

賁三百人書序可據孫奕示兒編以孟子三千人為

引經之誤是已周禮虎賁氏其屬八百安得有千

之多況又增三千五百乎至士卒之數一車百人即

依三百五十乘計之亦止三萬五千人安得三萬六

千三百五十人哉張守節史記正義臆減為二萬六

千二百五十人亦非商辛奔內登于鹿臺之上鹿舊作廩今據

鹿作屏遮而自燔于火注屏遮自障武王乃手太白以

麾諸侯諸侯畢拜遂揖之注太白旗名揖召也揖諸

侯其追紂也商庶百姓咸俟于郊注待武王於郭外

也羣賓僉進曰上天降休再拜稽首注諸侯賀武王

也武王荅拜先入適王所乃剋射之三發而後下車

而擊之以輕呂斬之以黃鉞注輕呂劍名輕呂史折

縣諸太白注折絕其首注折字舊作斬誤墨子明鬼

抱經堂校定本

三

三

抱經堂校定本

戮其身戕及骨肉邪射擊斬懸乃適二女之所既縊

必無之事論衡恢國篇亦辨之 舊本乃字在所下王

又射之三發乃右擊之以輕呂斬之以彡鉞縣諸小

白注彡鉞黑斧小白旗名也乃出場于厥軍注場平

治社以及宮徹宐去者宐居者居遷也及期百夫荷

素質之旗于王前注素質白旗前為王道也一作以

前于王叔振奏拜假注羣臣諸侯應拜假者則曹叔

振奏行也謝云史記叔振下有鐸字又陳常車周公把大鉞召公

把小鉞以夾王注常車威儀車也三公夾衛王也召公

史記作泰顛闕大皆執輕呂以奏王王入即位于社

畢公

太卒之左注執王輕呂當門奏太卒屯兵以衛也羣

臣畢從毛叔鄭奉明水衛叔傅禮注羣臣盡從王而

康叔相禮毛叔宋本與史記王同作毛召公奭贊采

師尚父牽牲注贊佐采事也侔王也尹逸筮曰殷末

孫受德迷先成湯之明侮滅神祇不祀史記逸作注

紂字受德也神祇天地也舉天地則宗廟已下廢可

知也梁云受德猶云受之凶德書曰其在受德醫與

紀漢以後諸儒因之昏暴商邑百姓其章顯聞于昊

而誤史記作季紂是

天上帝注言上天五帝皆知紂惡也章舊作彰字俗

武王再拜稽首乃出注受天大命以改殷天明命王



天口也梁云此有脫文史記作武王再拜稽首膺更

李善注王元長曲水詩序引周書亦有此數語唯膺

更作膺受觀孔晁注正是釋武王之語則知周書本

有之轉寫者因兩再拜稽首遂遺却上文耳立王子武庚命管叔相注為

三監監殷人乃命召公釋箕子之囚命畢公衛叔出

百姓之囚注紂所拘囚者也乃命南宮忽振鹿臺之

財巨橋之粟注忽即括振散之以施惠也史記忽乃

命南宮百達史佚遷九鼎三巫注鼎王者所傳寶三

巫地名史記三巫作保玉保與寶同謝云觀此文南

當與伯同梁處素云晉語論于八乃命閔大封比干

之墓注益其塚也乃命宗祝崇賓饗禱之于軍注宗

祝主祀賓敬也饗祭前所禱之神宗祝舊誤作宗祝

享祠于軍今正文與注祀字俱案史記作命宗祝

改正其下似亦當從史記為是乃班注還鄙京也

大匡解第三十七謝云前已有大匡此不應又名大

其訛錯之故惟十有三祀王在管管叔自作殷之監東隅之侯咸

受賜于王王乃旅之以上東隅注東隅自殷以東旅

謁各使陳其政事者也注各字宋本用大匡順九則

八宅六位注古大匡有此法古本一寬儉恭敬夙夜

有嚴注言當嚴敬思所順也昭質非樸樸有不明明

執於私私回不中中忠於欲思慧醜詐注忠於欲謂

史記

卷四

五

抱經堂校本

忠於絕私欲也昭信非展展盡不伊伊言於允思復

醜譖注展似信而非伊伊推也本或作誰也昭讓非背背

黨雍德德讓於敬思賢醜爭注讓以得之非弃背也

昭位非忿忿非口直直立於眾思直醜比注位所以

行道非以息忿忿怒也昭政非閑閑非遠節節政於

進思止醜殘注政以道民非禁閑之也故貴得節也

昭靜非窮窮居非意意動於行思靜醜躁注仁者好

靜窮非取樂昭潔非為為窮非涓涓潔於利思義醜

貪注涓潔於利不以自污正文利舊作行昭因非疾

疾非不貞貞固於事思任醜誕注疾口昭明九則九

醜自齋齋則曰知悖則死勇注明此九法則所醜義

成力法咸則苟死於勇不知節案上所陳九則九醜

樸一殷勇如害則不登于明堂如與而同舊作知

引云勇則害上明堂所以明道明道惟法注惟以法

度化人法人惟重老重老惟寶嗚呼在昔文考戰戰

惟時祗祗汝其注言所尊重者老人乃政之寶也文

王唯敬是道汝其用之汝諸侯也正文汝其下疑脫

訛及今改正謝云戰戰惟時祗夙夜濟濟無競惟人

惟允惟讓不遠羣正不邇讒邪注言當近正士遠讒

人汝不時行汝害于士士惟都人孝悌子孫注不行

是文王之道其如此也不官則不長官戒有敬官口

朝道舍賓祭器曰八宅注官以長官所戒惟敬則入

宅順矣綏比新故外內貴賤曰六位注安之比之各

以其道則位順也大官備武小官承長注承奉正文

誤作成正大匡封攝外用和大注和平大國正文封

依注改正中匡用均勞故禮新注士大夫及賓客

小匡用惠施舍靜注靜安也禁請無怨順生分殺

不忘不憚注不計分部不失其理俾若九則生敬在

國國咸順順維敬敬維讓讓維禮注言周大匡使順

九則生其所敬於國國人皆順之以敬讓之禮也舊本

作生欲在國國咸敬辟不及寬有永假注不及言同

沈案注文改今從之假於王道注善是禮也

文政解第三十八

惟十有三祀王在管管蔡開宗循注管管叔之邑二

叔開其宗族循錫京之政言從化也王謝云王字當

宗循王為句禁九慝昭九行濟九醜尊九德止九過務九

勝傾九戒固九守順九典注九人所茂政也濟謂濟

其醜以好也順此戒也九慝一不類二不注三不注

四口務有不注五外有內注六幼不觀國七閭不通

注八家不開注九大禁不注路徑注刑法也不令不

宜令也九行一仁二行三讓四信言五固六治治七義八

意九勇注意於道也九醜思勇醜忘思意醜變思義

醜口思治醜亂思固醜轉思信醜好思讓醜變思行

醜頌思仁醜禮注殘謂殘禮義也案九醜即倒承上

訛四言六治訛六始此又脫去思義醜口一句今俱增正九德一忠二慈三祿四

賞五民之利六商工受資七祗民之死八無奪農九

足民之財注敬死勸葬也是足民之財也正文之財本亦作之則注

同注未句上九過一視民傲二聽民暴三遠慎而近

念同四法令口亂五仁善是誅六不察而好殺七不

念口害行八口思前後九偷其身不路而助無漁九

勝一口口口口二口口口口三同惡潛謀四同好和

因因五師口征忠六迎旋便路七明賂施舍八幼子移

成九迪名書注潛謀潛密之謀也移成謂易子而

教也蹈名之子書而新用九戒一內有柔成二示有

危傾三旅有罷直四亂有立直五教用康經六合詳

毀成七邑守維八飢有兆積九勞休無期注柔成

善柔諂人也罷能真言口困倉暗暗也康逸也合詳無德

而信也守邑邑無備恃其人眾皆危道注培一本作暗亦

九守一仁守以均二智守以等三固守以典四信

守維假五城溝守立六廉守以七戒守以八入競

抱經堂校定本

守以備九國守以讓注維假言立信常至於義也信

維假二句九典一祇道以明之二稱賢以賞之三典似有詭

師以教之四四威以注之四威四字疑五位長以遵本

之六羣長以老之七羣醜以移之八什長以注之九

戒卒以注之注典師謀各隨所能而教之也遵行之

以戒之事也將之軍旅行陣也嗚呼充虛為注無由

不通無虛不注陰陽姦謂之充國無人謂之虛也

大聚解第三十九

維武王勝殷撫國綏民乃觀于殷政告周公且曰嗚

呼殷政總總若風草有所積有所虛和此如何注總

總亂也有積有虛言不平也周公曰聞之文考來遠

賓廉近者道別其陰陽之利相土地之宜水土之便

注禮遠賓廉近者道總土宜以愛民也趙云欲來遠

者之安危利病使之各得其所如下文所云者是也

相土地之宜土字疑衍以下句言水土之便故也案

注廉太多作廣今從章本改營邑制命之曰大聚先

愛本多作受今從元本改營邑制命之曰大聚先

誘之以四郊王親在之注四郊自近始也在察也賓

大夫免列以選赦刑以寬復亡解辱注亡者復之辱

者解之削赦口重皆有數此謂行風注行風化也此

或作乃令縣鄙商旅曰能來三室者與之一室之祿

甚以注一丈夫之耕祿者注又者疑當作之闢闢脩道五

是當是是字云

里有郊十里有井二十里有舍注待行旅也案地官遺人三十

十里有廬此作遠旅來至關人易資舍有委注貿易

供其資也正文有本而五均早暮如一送行逆來

振乏救窮注均平也言早暮一價惠云河間獻王所傳樂元語其道五

均事云天子取諸侯之士以立五均則市無二價四

民常均強者不得困弱富者不得要貧則公家有餘

恩及小老弱疾病孤子寡獨惟政所先注當先卹也

民有欲畜發令注命之畜牧以國為邑以邑為鄉以

鄉為閭禍災相卹資喪比服注邑閭比相救卹比服

供喪服也疑卽周禮所謂比五戶為伍以首為長十

夫為什以年為長注首為伍家最服合閭立教以威

為長合族同親以敬為長注教由威行旅由敬親飲

食相約與彈相庸趙云功作則互相勸是與游墮則

之室為取耦耕口注男女有注墳墓相連民乃有注

注言相通也六畜有注室屋既完民乃歸之注六畜

牛馬豬羊犬雞鄉立巫醫具百藥以備疾災畜五味

以備百草注草味同言五味非一也注同疑立勤人

以職孤立正長以順幼立職喪以卹死立大葬以正

注職同立君子以脩禮樂立小人以教用注禮

樂于賦兵刃也注有立鄉射以習注春和獵耕耘以

習遷注羣行出入坐起隨行教芋與樹藝比注立

習遷注羣行出入坐起隨行教芋與樹藝比注立

抱經堂校定本

職與田疇皆通根衍曰芋比長之職通連比也本

或作茅今從宋元本謝云根衍曰芋不知所出說立

文玉篇釋芋字皆謂草之可以為繩者字亦通芋立

祭祀與歲穀登下厚薄此謂德教注登下隨穀豐儉

也若其凶土陋民賤食貴貨是不知政注不順政故

曰凶山林藪澤以因其口工匠役工以攻其材商賈

趣市以合其用注言政行也外商資貴而來貴物益

賤資賤物出貴物以通其器注通其有無使相口也

夫然則關夷市平財無鬱廢商不乏資百工不失其

時無愚不教則無窮乏此謂和德注言政治和之所

致也則無窮乏舊作口無窮乏則今依趙改正若有不言乃政其凶陂溝

道路藜莠丘墳不可樹穀者樹以材木注除藜種木

春發枯槁夏發葉榮疑當作華榮秋發實疎冬發薪烝以

匡窮困注以此匡之也指其民力相更為師惠云指

因其土宜以為民資更相為師匡資次用也注有

則生無乏用死無傳脂此謂仁德注傳於滿壑惠云

猶轉尸也淮南子鬱而且聞禹之禁春三月山林不

登斧以成草木之長夏三月川澤不入網罟以成魚

鼈之長且以并農力執成男女之功注男耕女桑成

此功也夫然則有生而不失其宜萬物不失其性人

不失其事天不失其時以成萬財注萬財既成放此為

抱經堂校定本

十一

抱經堂校定本

人此謂正德注放散供人用也藝文類聚引此有生

材云萬材已成注牧以為人天作有土無而字財作

下利之而勿德是謂大仁泉深而魚鼈歸之草木

茂而鳥獸歸之稱賢使能官有材而土歸之從土舊闕

關市平商賈歸之分地薄斂農民歸之水性歸下農

民歸利注歷言自然之至王若欲求天下民先設其

利而民自至譬之若冬日之陽夏日之陰不召而民

自來此謂歸德注政善德之至也五德既明民乃知

常武王再拜曰嗚呼允哉天民側側余知其極有宐

注側側喻多長有國也乃召昆吾治而銘之金版藏

府而朔之注昆吾古之利治朔月且朔省之也謝云

乃掌治世官注云利治誤

世俘解第四十

維四月乙未日武王成辟四方通殷命有國注言成

者執殷俘通之以為國也此克紂還歸而作也惟一

月丙午辰旁生魄若翼日丁未舊丙午作丙辰丁未作

日數至二月五日丁巳今案從丙午十六王乃步自于周征伐商王紂注旁廣

大月大時也此本紀始伐紂師度孟津也越若來二

月既死魄越五日甲子朝至接子商注越於也朔後

為死魄惠云接則咸劉商王紂執矢惡臣百人注劉

尅也矢惡臣崇侯之黨矢舊本作夫又或作天今案



太公望命禦方來丁卯望至告以馘俘

追禦紂黨方來戊辰王遂禦循追祀文王時日王立

政注禦循追祀以馘紂告祖考壇帷而祭是日立王

政布天下正文追字舊本詛目又一本詛作自注又

壇非今呂他命伐越戲方王申荒新至告以馘俘

注呂他將也越戲方紂三邑也惠云呂他南宮氏也

見南宮侯來命伐靡集于陳辛巳至告以馘俘

來亦將也靡陳紂二邑也甲申百弇以虎賁誓命伐

衛告以馘俘注百弇亦將辛亥薦俘殷王鼎注殷國

之鼎案通鑑前編作武王乃翼矢珪矢憲告天宗上

帝注矢陳也穆太牢別於天也穆太牢不見正文疑

十稷此不應預見案書正義云天神尊祭王不革服

格于廟秉語治庶國籥人九終注不改祭天之服以

告祖考急於語治也廟無別人也末五王烈祖自太

王太伯王季虞公文王邑考以列升維告殷罪注虞

公虞仲邑考文王子也皆升王於帝籥人造王秉黃

鉞正國伯注於籥人進則王進正伯之位也注籥字

今從王子王服袞衣矢琰格廟籥人造王秉黃鉞正

邦君注正諸侯之位也癸丑薦殷俘王士百人注王

士紂之士所囚俘者籥人造王矢琰秉黃鉞執戈王

抱經堂校定本

奏庸大享一終王拜手稽首王定奏庸大享三終

大享獻爵奏庸擊鍾甲寅謁戎殷于牧野王佩赤白

旂籥人奏武王入進萬獻明明三終

詩篇名武以干羽為萬舞也惠云明明即大明乙卯籥人奏

崇禹生開三終王定

崇禹生開皆篇名告非一故連口有事也庚子陳本命伐磨百韋命伐宜方新荒

命伐蜀梁處素云磨必磨之詎下云馘磨即獻磨國邑本作磨也又新荒前云荒新疑是二人故竝舉異

文文昭案黃歇說秦云割濮磨之北磨近濮在商畿

丙可知見秦策乙巳陳本命新荒蜀磨至告禽霍侯

新序作濮歷文侯俘侯侯小臣四十有六禽禦入百有三百兩告

以馘俘此復說射紂所命伐也庚子閏二月十一

日禦大臣也此復說射紂所命伐故日不與上次百或以庚子為庚申乙巳為乙丑非也

韋至告以禽宜方禽禦三十兩告以馘俘百韋命伐

厲告以馘俘言兩隅之言也武王狩禽虎二十有

二猫二麋五千二百三十五犀十有二容齋隨筆猫案下文別有麋必有一誤犀十有二作犀十有三

梁處素云麋必有一字作麋者古麋麋多通寫

七百二十有一熊百五十有一羆百一十有八豕三

百五十有二貉十有八麀十有六麀容齋作麀麇五十麋

三十鹿三千五百有八

武王克紂遂摠其圖所獲禽獸武王遂征四方凡摠國九十有九國

摠惡也

誠磨億有十萬七千七百七十有九磨舊作魔訛億下不當更言十

萬十字非俘人三億萬有二百三十注武王以不殺

為仁無緣誠億也俘誠之多此大言之也凡服國六

百五十有二注此屬紂也口口時四月既旁生魄越

六日庚戌武王朝至燎于周維予冲子綏文注此於

甲乙十六日也先廟後天者言功業已成故也注十

訛當作四月二十二日謝云凡冲子似武王降白車

皆有錯簡書中惟成王有冲子之稱乃俾史佚繇書于天號注使史佚用書重薦俘于天

也武王乃廢于紂矢惡臣人百人上人字疑衍伐右厥甲

小子鼎大師注廢其惡人伐其小子乃鼎之眾也伐

厥四十夫家君鼎帥司徒司馬初厥于郊號注言初

克紂于商郊號令所伐也武王乃爽于南門用俘皆

施佩衣衣先誠入注言陳列俘誠于宗廟南門夾道

以示眾也取乃衣之表之施之以恥也武王在祀太師負

商王紂縣首白旂妻二首赤旂乃以先誠入燎于周

廟注王在祀主使樂師以紂首及妻首所誠入廟燎

也謝云白旂赤旂與前大白小白亦辭異而意同負

紂縣首太師為之不類且從上文讀下則亦當在甲子若翼日辛亥祀于位用籥于天位注此詳說庚

成明日郊天祭俘所用籥衣事也越五日乙卯武王乃以庶祀誠于國周廟翼予冲子斲牛六斲羊二注

於辛亥五日以諸侯祭其有斷煞者庶國乃竟告于

周廟曰古朕聞文考脩商人典以斬紂身告于天子

稷注言諸侯竟殺牲告周廟天稷也正文疑當作告朕文考循商人

典用小牲羊犬豕于百神水土于誓社注百神天宗

水土山川誓告也曰惟予冲子綏文考至于冲子用

牛于天子稷五百有四注及宗廟山川也用小牲羊

豕于百神水土社二千七百有一注所用甚多似皆

益之商王紂于商郊注更說始伐紂時謝云自商王

其文皆當在前甲子朝至接于商下句則咸劉商王

紂于商郊此處商王紂王字衍文也俘商王億有百

萬下乃接武王在祀至燎于周廟時甲子夕商王紂

而止則時日亦符而文義無舛矣

取天智玉琰五環身厚以自焚注天智玉之上美者

也縫環其身以自厚也五環二字舊本作璫今依張

御覽引此曰紂取天智玉琰五班環身以自焚注曰

天智玉之上美者班環身以自厚也又御覽七百十

八引此云取天知玉珥及庶玉衣身以凡厥有庶告

自焚庶玉則銷天知玉珥在火中不銷凡厥有庶告

焚玉四千注衆人告武王焚玉四千也五日武王乃

俾于千人求之四千庶玉則銷天智玉五在火中不

銷注紂身不盡玉亦不銷正文于凡天智玉武王則

寶與同注言王者所寶不銷也凡武王俘商舊玉億

有百萬

箕子解第四十一二惠云廣韻引書曰武王悅箕子

之對賜十朋別無所見當在此篇

去抱經堂校本

耆德解第四十一

逸周書卷第四

逸周書卷第五

晉 孔 晁 注

商誓解第四十三 度邑解第四十四

武傲解第四十五 五權解第四十六

成開解第四十七 作雒解第四十八

皇門解第四十九 大戒解第五十

商誓解第四十三

王若曰告爾伊舊何父曰口口口口幾耿肅執乃殷之

舊官人序文口口口口及太史比小史昔及百官里

居獻民口口口來尹師之敬諸戒疾聽朕言用胥生

錫尹王曰嗟爾猷子言若敢顧天命予來致上帝之  
威命明罰今惟新誥命爾敬諸朕話言自一言至于  
十話言其惟明命爾王曰在昔后稷惟上帝之言克  
播百穀登禹之績凡在天下之庶民罔不維后稷之  
元穀用蒸享在商先誓王正本云誓讀曰誓下並同俗  
明祀上帝口口口口亦維我后稷之元穀用告和用  
胥飲食肆商先誓王維厥故斯用顯我西土今在商  
紂昏憂天下弗顯上帝昏虐百姓奉天之命上帝弗  
顯乃命朕文考曰殪商之多罪紂肆予小子發弗敢  
忘天命朕考胥翁稷政肆上帝曰必伐之予惟甲子

尅致天之大罰口帝之來革紂之口予亦無敢違大

命章本作敬諸昔在我西土我其有言本或作胥告

商之百無罪其維一夫趙疑百下予既亟紂承天命

予亦來休命爾百姓里居君子其周卽命口口口口

口口口口口口口口口口口口口口口口口口口口

口口口口口口爾豕邦君無敢其有不告見于我有周

其比豕邦君我無攸愛上帝曰必伐之趙云上帝曰

上文此處語勢似不當有疑衍今予惟明告爾予其往追口紂遂臻

集之于上帝遂本或作達天子其有命爾王疑百姓

獻民其有綴芳綴芳謂若絲之絕而更夫自敬其有

斯天命不令爾百姓無告西土疾勤其斯有何重天  
維用重勤興起我罪勤我無克乃一心爾多子其人  
自敬助天永休于我西土爾百姓其亦有安處在彼  
空在天命口及惻興亂予保奭其介有斯勿用天命  
若朕言在周曰商百姓無罪朕命在周其乃先作我  
肆罪疾予惟以先王之道御復正爾百姓越則非朕  
負亂惟爾在我王曰百姓我聞古商先誓王成湯克  
辟上帝保生商民克用三德疑商民弗懷用僻厥辟  
今紂棄成湯之典肆上帝命我小國曰革商國肆予  
明命汝百姓其斯弗用朕命其斯爾冢邦君商庶百

姓予則口劉滅之王曰霽予天命

說文霽飛聲也兩

然徐呼郭切徐錯曰其聲霍忽疾也然則此亦當為命不于常之意

維既咸汝克承天

休子我有周斯小國于有命不易昔我盟津帝休辨

商其有何國命予小子肆我殷戎亦辨百度口口美

左右予予肆劉殷之命今予維篤祐爾予史太史違

予史本或作予史今從元本我寔視爾寔各本多作

章本何木然子字亦似訛靖疑胥敬請其斯一話敢逸僭予則上帝之明命予

爾拜拜口百姓越爾庶義庶刑予維及西土元本章

子我乃其來卽刑乃敬之哉庶聽朕言罔胥告

度邑解第四十四

維王尅殷國君諸侯乃厥獻民徵主九牧之師見王

于殷郊九牧九州之牧也鄭康成注尚書王乃升汾

之阜以望商邑左氏襄十八年傳楚子庚治兵于汾

即此地也去朝歌不遠故可永歎曰嗚呼不淑兌天

對李善注王元長曲水詩遂命一日維顯畏弗忘王

至于周自鹿至于丘中鹿舊口亦以李善注補具明

不寢王小子御告叔旦叔旦亟奔即王曰久憂勞問

密不寢害與曷同何也舊曰安予告汝王曰嗚呼且

惟天不享于殷發之未生至于今六十年夷羊在牧

飛鴻滿野舊作過野或遍野之訛今依史記博物志

乃今有成維天建殷厥徵天民名三百六十夫弗顧

亦不賓成舊作賓成史記作賓滅隋巢用戾于今嗚

呼于憂茲難近飽于卹辰是不室我未定天保何寢

能欲未舊作來又多一所王曰且予克致天之明命

定天保依天室志我其惡專從殷王紂日夜勞來定

我于西土志我其惡史記作悉求夫惡沈云此書是

字又日夜勞來舊作四方赤宐未五字今一依史記

悲不能對王口口傳于後王曰且汝維朕達弟子有

逸周書 卷五 四 抱經堂校定本



使汝子各本多作汝播食不違暇食矧其有乃室今

維天使子惟二神授朕靈期子未致子休子近懷子

朕室汝維幼子大有知昔皇祖底于今勛厥遺得顯

義告期付于朕身肆若農服田饑以望穫惠云幾與

冀日予有不顯朕卑皇祖不得高位于上帝疑專汝幼

子庚厥心庶乃來班朕大環茲于有虞意乃懷厥妻

子德不可追于上民亦不可荅于朕下不賓在 high 祖

維天不嘉于降來省汝其可瘳于茲乃今我兄弟相

後我筮龜其何所即今用建庶建叔且恐泣涕共手

庶建或作素達惠半農云王欲王曰嗚呼且我圖夷

妹殷其惟依天其有憲命求茲無遠依繩木作夷又

字慮天有求繹相我不難自洛汭延于伊汭居陽無固

其有夏之居案史記帝隱陽作我南望過于三塗我

北望過于有嶽願瞻過于河宛瞻于伊洛史記無

舊作丕願舊作願今皆依史記改瞻史作詹同宛史

作粵又案史集解徐廣曰武王問太公曰吾將因有

夏之居南望過于三塗北瞻望于有河語亦相似三

塗杜預曰在河南陸渾縣南案左氏昭子年傳晉

將伐陸渾以有事於雒與三塗請於周杜說蓋本此

服虔以太行轅嶠颺當之於南望亦不合非也

無遠天室其曰茲曰度邑

武傲解第四十五

惟十有二祀四月壬告夢丙辰出金枝郊寶開和細

書命詔周公旦立後嗣屬小子誦文及寶典王曰嗚

呼敬之哉汝勤之無蓋口周未知所周不知商口無

也朕不敢望敬守勿失以詔宥實小子曰允哉宥俗本作真今

從元本章本汝夙夜勤心之無窮也此篇殘缺不可讀也字當是妄

又作實字

五權解第四十六

維王不豫于五日召周公旦曰嗚呼敬之哉昔天初

降命于周維在文考克致天之命汝維敬哉先後小

子勤在維政之失政有三機五權汝敬格之哉克申

無苗以保小子于位三機一疑家二疑德三質士疑

家無授衆疑德無舉士質士無遠齊吁敬之哉天命

無常敬在三機五權一曰地地以權民二曰物物以

權官三曰鄙鄙以權庶四曰刑刑以權常五曰食食

以權爵不遵承括章本作食不宣不宣授臣極賞則

漏漏得不食案漏與屈同荀子宥坐篇言水洸洸乎

語三恕篇極刑則仇仇至乃別鄙庶則奴奴乃不滅

國大則驕驕乃不給官庶則荷荷至乃辛官庶舊作

云無字衍今從刪謝云荷與苛同見漢書酈食其傳

又強案辛疑幸字之訛說文叢生艸也讀若泥於苛

聲當亦相近與上所用韻亦協物庶則爵乃不和

惠於乃字近枝云宋作攤趙疑物庶則下尚脫一字

梁處素云攤疑無字之訛說文引商書庶艸繁無是

逸則書

卷五

六

抱經堂校定本

也無字當重交亥地庶則荒荒則聶案聶當如爾雅  
昭案和字亦必誤其滿昔閉人庶則匱匱乃匿嗚呼敬  
塞而不能疏通是之謂聶  
之哉汝慎和稱五權維中是以以長小子于位實維  
永寧

成開解第四十七

成王元年大開告用注周公大開告道成王用之也

文昭案篇中云今商孽競時逋播則在周公曰嗚呼  
未東征之前舊作九年非也今從趙改

余夙夜之勤今商孽競時逋播以輔余何循何循何

慎王其敬天命無易天不虞注言商餘紂子祿父競

求是逋播逃越逃之人以自輔當敬天命備不度者也

任昔文考躬脩五典勉茲九功敬人畏天教以六則

四守五示三極祇應八方立忠協義乃作注祇敬協

和三極一天有九列別時陰陽惠云九列二地有九

州別處五行別處俗開本作別三人有四佐佐官維

明五示顯允明所望四佐謂天子前疑後丞右輔

左弼也當明謂五示示於民也五示一明位示士二

明惠示衆三明明主示寧四安宅示孳五利用示產注

主明則民安之安宅則妻子寧利用則產業衆注有

參取數正產足不窮家懷思終主爲之德以撫衆

和乃同言五示之義同謂和同也不字本脫趙据

抱經堂校本

輔又衆字不重增四守一攻盡人材材盡致死二土守注其城溝三障水以禦寇四大有沙炭之攻注在人盡

其材則死力効致大沙熾炭可以攻適人也注攻舊

改正適人也六則一和衆二發鬱三明怨四轉怒五懼注即敵人也

疑六因欲注鬱謂穀帛滯積者也怒則轉之懼則疑

之欲則因之此文王所以尅紂也九功一賓好在注

二淫巧破制三好危破事四任利敗功五神巫動衆注

六盡哀民匱七荒樂無別八無制破教九任謀生詐

注在筭謂實幣於筭無節限也盡哀謂送終過制也

無別亂同也任謀謂權變也不犯此則成功也文照

功攻同此九功當注謂九攻孔注似曲和集集以禁實有離莫遂通其此

二字難曉本五典一言父典祭祀昭天百姓若

敬二顯父登德德降為則則信民注言祭祀見享

受福民乃化則法信民心也言父顯父如書酒誥之

者尊之之辭此言父蓋宗伯之屬顯父司徒之官正

父司馬之官機父師氏保氏之職所闕一父當司空

之職也顯父三句又見本典解惠半農據以改此作

德降為信信則民寧文弼案與注不合前和寤解亦

有德降為則語蓋法制皆本於德法三正父登過過

制信於民民是以寧惠所改非也

慎於武設備無注使正舉事過於前無自滿四機

父登失脩口口官官無不敬五口口口制哀節用

政治民懷注使刺譏之士舉政之失其官官無不敬

逸周書 卷五 八 抱經堂校定本

矣懷猶歸之也五典有常政乃重開之守二字內則

順意外則順敬內外不是是曰明陽重聞言無爽

也王拜曰允哉維予聞曰何鄉非懷懷人惟思思若

不及禍格無日注格至式皇敬哉余小子思繼厥常

以昭文祖定武考之列注式用皇大鳴呼余夙夜不

寧

作維解第四十八

武王克殷乃立王子祿父俾守商祀注封以鄭祭成

湯建管叔于東建蔡叔霍叔于殷俾監殷臣注東謂

衛殷鄘鄘霍叔相祿父也武王既歸乃歲十二月崩

鎬肆于岐周注乃謂乃後之歲也肆攢塗惠云土喪

在自天子至於周公立相天子三叔及殷東徐奄及

熊盈以略注立謂為宰攝政也殷祿父徐戎奄謂殷

之諸侯周公召公內弭父兄外撫諸侯元年夏六月

葬武王於畢注弭安畢地名元年舊作九年記趙改

畢也今二年又作師旅臨衛政殷殷大震潰注下叛

其上曰潰政釋史作攻惠云政與降辟三叔王子祿

父北奔管叔經而卒乃囚蔡叔于郭凌注郭凌地名

囚拘也凡所征熊盈族十有七國俘維九邑注俘囚

為奴十七國之九邑罪重故囚之俘殷獻民遷于九

畢注獻民士大夫也九畢成周之地近王化也俾康

叔宇于殷俾中旄父宇于東注康叔代霍叔中旄代

管叔周公敬念于後曰子畏同室克追俾中天下注

成王二年秋迎周公三年春歸也周公追畏尊王也

謝云同室克追當是周室克造及將致政乃作大邑

成周于土中注王城也於天下土為中沈云自郭以

不專指城方千七百二十丈郭方七十里水經注城

七十丈脫一千字沈改七為六不知何据郭方南繫于

洛水北因于郊山以為天下之大濼注郭郭也繫因

皆連接也濼會也北因于郊山舊作地因于山制

郊甸方六百里國西土為方千里注西土岐周通為

圻內水經注分以百縣縣有四郡郡有四鄙大縣城

方王城三之一小縣立城方王城九之一注三分九

分居其一四鄙四字舊作空圍今依淮南子注都鄙

不過百室以便野事注耕桑之事農居鄙得以庶士

士居國家得以諸公大夫注居治也治鄙以農治國

家以大夫農之秀者可為士士有功凡工賈胥市臣

僕州里俾無交為注工商百胥人臣僕各異州里而

居不相雜交也胥相也舊作胥待也趙云相也文昭

也雜出疑此三乃設丘兆于南郊以祀上帝配以后

稷注設築壇城內郊南郭也日月星辰先王皆與食

注先王后稷謂郊時注日月星辰御覽作農星趙云此

自太王而下文昭疑此封人社壇諸侯受命於周乃

先王當如月令之五帝注封人社壇諸侯受命於周乃

建大社于國中注受封也注又國訛作周今依公羊文

十三年其壇東青土南赤土西白土北驪土中央豐

疏增改以黃土將建諸侯鑿取其方一面之土燾以黃土苴

以白茅以為土封故曰受列土於周室注其方謂建

東方諸侯以青土也燾覆茅苴裹土封之為社也注

作學見公羊疏燾舊作苞訛注以覆釋燾而舊本亦

脫燾字以上也字作而云而覆茅苴裹土不成語矣

故今定為燾字則正文與注正相應也正文以為土

封本一作以土封之又一作以為社之封又故曰受

列土舊作故曰受則大惠以大為衍文而引周禮大

宗伯五命賜則為受則之證非也故曰二字當承上

大社為說御覽作故曰列土稍節其文耳其云列土

則是也又惠探公羊疏引孔氏注云王者封五色土

為社建諸侯則各割其方土與之使立社燾以黃土

苴以白茅苴取其潔黃取其王者覆四方案此所引

多見正文不盡由孔乃位五宮大廟宗宮路寢

氏今載之以備參考

明堂注五宮官府寺也大廟后稷廟二宮祖考廟考

廟也路寢王所居也明堂在國南者也注文昭案五宮

注當是本作五宮官府寺也今皆訛官為宮如以大

廟等五者當五宮非也隋書牛宏傳引乃立大廟宗

宮路寢明堂案古立位二字本通用注咸有四阿反

后稷下廟字并考廟字舊皆脫今校增

站重亢重郎常累復格藻梲設移旅楹春常畫旅注

咸皆也宮廟四下曰阿反站外向室也重亢累棟也

抱經堂校定本

士

士

士

士

士

士

士

士

士

士

士

士

重郎累屋也常累系也復格累芝栢也藻椽畫梁柱

也承屋曰移旅列也春常謂藻井之飾也言皆畫列

柱為文也正文移即後也春常畫旅舊本作卷常畫

注亦多從之注宮字舊無據前內階各階堤唐山磨

**注**以黑石為階唐中庭道堤謂高為之也山磨謂磨

畫山雲注階前編作各陛堤唐陶山集作提唐注同

改應門庫臺各闌**注**門者皆有臺於庫門見之從可

知也又以黑石為門限也注從舊作後限舊作

皇門解第四十九

維正月庚午周公格左闕門會羣門**注**格至也路寢

左門曰皇門闕音臬也文昭案羣門族姓也篇中曰

而言此語在成日嗚呼下邑小國克有耆老據屏位

建沈人罔不用明刑**注**考老賢人也又建立沈伏之

賢人無不用明法罔舊作非詆注無字維其開告于

予嘉德之說**注**言下邑所行而我法之是開告我於

善德之說命我辟王小至于大我聞在昔有國誓王

之不綏于卹**注**小至於大者小大邦君也卹憂言思

治也乃維其有大門宗子勢臣罔不茂揚肅德訖亦

有孚以助厥辟勤王國王家**注**大門宗子適長勢臣

顯仕茂勉肅敬訖既也孚信也罔舊作內乃方求論

龜同書 卷五 士 抱經堂校本

小至于大當作至于大



擇元聖武夫羞于王所注方旁羞進方訓為旁羞訓為進舊作言旁

自羞進言字誤其善臣以至于有分私子苟克有常自字衍今改正

罔不允通咸獻言在于王所注私子庶孽也常謂常

德言皆信通於義以益王也至于舊訛至十從趙改人斯是助

王恭明祀敷明刑注言善人君子皆順是助法王也

王用有監明憲朕命用克和有成用能承天嘏命注

監視明此事法故能承天命王天下也王用俗本訛

章本百姓兆民用罔不茂在王庭注勉在王庭獻言

於王所也先用有勸永有口于上下注上謂天下謂

地也人斯既助厥勤勞王家注助君也謂大門衆子

也先人神祇報職用休俾嗣在厥家注先人及天地

報之王用美善紹家因學紀開引作俾嗣在王家蓋嗣

謂世有令聞保其宗廟亦通注以美釋休以王國用

寧小人用格口能稼穡咸祀天神戎兵克慎軍用克

多注神祐之故王用奄有四鄰遠士丕承萬子孫用

未被先王之靈光注奄同丕大末終遠士卜本何至

于厥後嗣弗見先王之明刑維時及胥學于非夷注

時有胥相為是相學於非常也及程本吳本訛作反

字注於以家相厥室弗卹王國王維德是用注言

勢人以大夫私家不憂王家之用德注憂舊訛慶今

正以昏求臣作威不詳不肩惠聽無辜之辭辭是羞

于王注詳善也不察無罪以惡民言順不進辭于王

詳本或作詳義竝同不肩疑不肩之訛亂辭辭有理

者也言不肩順察無罪有以惡之辭以進於王也舊本

誤分兩段以注詳善也至以惡民又添一也字注無

辜之亂下贖七字為辭是羞于王之注趙疑言順不

進辭于王或是言進不順辭于王文昭案進不順之

言在下文始見此非也注中惡字鳥路反惡民言順

謂惡民之理直故不肩王阜良乃惟不順之言于是

上聞耳今審文義改併

人斯乃非維直以應維作誣以對俾無依無助注阜

大良善也王求善而是人作誣以對故王無依助也

譬若畋犬驕用逐禽其猶不克有獲注驕謂不習也

言口人之無得猶驕犬逐禽不能獲是人斯乃讒賊

媚嫉以不利于厥家國注言賊仁賢忌媚嫉妒以不

利其君譬若匹夫之有媚妻曰予獨服在寢以自露

厥家注寢室也言自露於家言謂美好喻昏臣也媚

夫有邇無遠乃食蓋善夫俾莫通在于王所注食為

野口媚夫見近利而無遠慮利為掩蓋善夫使莫通

食猶日月之食亦掩蔽之意乃維有奉狂夫是陽是

于舊作士從沈改注野字詭

繩是以為上是授司事于正長注言陽舉狂夫以為

上人口為官長正主其事也命用迷亂獄用無成小

民率穡注命者教也率皆痛愁困也保用無用壽亡

以嗣天用弗保注安民之用無所宣施是故民失其

抱經堂校定本

性天所不安用非其人故也婦夫先受殄罰國亦不

寧嗚呼敬哉監于茲朕維其及注殄絕其世罰及其

人也注罰舊訛也案盤庚云罰及爾身又云殄滅之

言害將及我也注朕蓋臣夫明爾德以助予一人憂注

蓋進也言我進用之臣夫明明之德助我憂天下者

注明明趙無維乃身之暴皆卹爾假予德憲資告予

元注假借資用也借我德法用告我大德之所行也

皆卹疑當作是卹注舊作借我法用注譬若衆畋常扶

德之告我又重一我字皆訛今改正

予險乃而予于濟注如衆令畋獵相扶持也濟遂也

而古與汝無作注趙云似有缺文

大戒解第五十注其公則其德也

維正月既生魄王訪于周公曰嗚呼朕聞維時兆厥

工非不顯朕實不明注兆始工官言政治維是始正

其官注誘文引逸周書曰朕實不明以侗伯父侗完維

士非不務而不得助大則驕小則懼注謀不極注言

務求士而不得助如此之難極中也予重位與輕服

非其得福厚用遺注重所重在於重位輕重所立非

夫德而厚福用之是求益之言也注訛難曉趙云似

冀助我而其得其福耳非庸止生卸注卸正字庸行信

貳衆輯羣政不輯自匿嗚呼予夙勤之無或告余非

不念念不知注止容也常則常信貳則難得中也我雖勤

之無有告我者徒知而不得明知也周公曰於敢稱

乃武考之言曰微言入心夙喻動衆大乃不驕行惠

於小小乃不懼注言汝之武考有是言次小字從宋

衆作連官集乘同憂若一謀有不行予惟重告爾注連

官則同憂職集衆事則同憂濟謀有不行言必行也

集乘疑是集衆予字從宋本俗間本作茲元本無庸

厲口以餌士權先申之明約必遺之注餌謂爵祿權

謂勢重其位不尊其謀不陽我不畏敬材在四注

言當畏敬賢者尊其位陽其謀也在四方言口在四

野多遺賢或無擅于人塞匿勿行惠威感服孝悌乃

以資敵使衆之道撫之以惠內姓無感外姓無注鄙恥其

亂則思治矣內長同姓同宗外姓異姓感古人

知其罪上之明審教幼乃勤貧賤制口設九備乃無

亂謀注上明則不隱情故曰知罪九備一忠正不荒

美好乃不作惡注順人心明察則民化而善正文脫

段四口說聲色憂樂盈匿五碩信傷辯曰費口口六

出觀好怪內乃淫巧注碩大怪異七口口謀躁內乃

荒異八口口好威民衆日逃九富寵極足是大極內

共 抱經堂校定本

心其離

**注**

口室也

逃字從元本卜本俗  
閒本作兆字書無

九備既明我

貴保之應協以

**動**

遠邇同

**功**

**注**

應協以動動必以和

協亦謀和適

**注**

覆以觀之上明仁義援貢有備

謂君也

正交用本  
亦作同

聚財多口以援成

匿乃

**注**

言閉塞不行也順得以動人以立行

之道上必盡其志然後得其謀

**注**

言和輯求助當先

順人也無口其信雖危不動

**注**

以昭其乃得

轉移貞信如此得其用也上危而轉下乃不

**注**

上

危而下不親之不足信故也王拜曰允哉允哉敬行

天道

周書卷第五

